

JEHOVAH-JIRE ²

 Misaotra anao, Rahalahy Roy. Ndao isika hijanona hitsangana vetivety fotsiny raha mivavaka. Hanondrika ny lohantsika isika, raha sitrakareo. Ary ndao isika hieritreritra fotsiny ankehitriny raha misy zavatra ao am-ponareo izay irianareo ho valian'Andriamanitra, izao hariva izao, fangatahana iray, dia aoka ho fantatra mihitsy izany raha manangana ny tānanareo ianareo, ka manaova hoe, "Manana fangatahana iray eo anatrehan'Andriamanitra aho." Ndao isika hanondrika ny lohantsika ankehitriny raha mivavaka isika.

² Ry Rainay any An-danitra, heverinay ho tombontsoa iray lehibe tokoa izao, ny manatona Anao; mahafantatra an'izao, hoe raha tonga amin'ny Anaran'ny Tompo Jesosy izahay, dia nampantanenaina fa handray an'izay angatahanay izahay. Tsy manatona ny Seza fiandrianan'ny Fitsarana izahay ankehitriny. Tsy te-ho tonga eo tokoa izahay, na ho eo amin'ny Seza fiandrianan'ny Fahamarinana. Fa izahay... dia manatona ny Seza fiandrianan'ny Famindrampo, izay anananay—anananay antoka fa ho ekena ireo fangatahanay. Satria, tsy afaka hahatanty ny Fitsaranao izahay, na afaka ho velona amin'ny Fahamarinanao, fa ny Famindramponao no iangavianay. Mamelà anay arak'izany, Tompo, ny amin'ireo fahotanay. Mivavaka izahay mba Hanekenao an'izany, sy mba Hiarahanao aminay izao hariva izao, mamaly ny fangatahana tsirairay izay soloin'ireo tānana ireo tena raha nitsangana izy ireo. Fantatrao izay ambanin'ilay tānana, ao anatin'ny fo. Ary, Andriamanitra, tsy isalasalana fa ho an'ny aretina izany, sy famonjena, ary ireo malala. Mivavaka izahay izao hariva izao, Ray, indrindra ho an'ireto, mba Hanekenao ny fangatahan'izy ireo.

³ Ankehitriny dia efa niresaka ny amin'ny Mpanomponao mahatoky izahay, Abrahama, manohy miaraka aminy izao hariva izao, ao amin'ny diany. Mivavaka izahay mba Hitahianao anay raha mandeha eo amin'ilay lèlana an-jato taonany maro lasa izahay, miaraka amin'ny mpanompo mahatoky iray izay nino Ny Teninao. Enga anie izany ho ohatra iray, tahaka ny nolazain'i Paoly ao amin'ny Hebreo, ny amin'ny naha-izy an'i Abrahama, ohatra iray. Ary mivavaka izahay mba izy, ny finoana izay nananany, ho voambara aminay izao hariva izao; mba hino ny Tenin'Andriamanitra, ary tsy hisalasala an'Izany, Teny anankiray an'Izany, fa hino an'Izany manontolo, ary hino ny zavatra rehetra izay Nolazainy. Ary enga anie izahay ho afaka hifikitra eo amin'ireo teny fikasana izay Nataony ho anay, ka ho zanak'i Abrahama amin'ny maha-ao amin'i Kristy. Mangataka an'izany amin'ny Anaran'i Jesosy izahay. Amena.

Mahazoa toerana.

⁴ Rahalahy Borders dia lava kely kokoa noho izaho, noho izany dia tsy maintsy hampidina ambany kely kokoa an'ireo fanamafisam-peo aho. Ary tombontsoa iray ny tonga eto izao hariva izao ato amin'ity fivoriana ity indray, sy hivavaka ho an'ny marary, ary hanao an'izay rehetra didian'ny Fanahy Masina hataontsika. Tiako ny hilaza an'ity, am-pankasitrahana. Tamin'ireo diako rehetra nanerana ny U.S., ny Etazonia sy Canada, dia nahita zavatra iray aho omaly hariva izay nampientanentana ahy mihoatra noho ireo sez a misy kodiarana rehetra izay hitako foana, ary ireo tehina rehetra napetraka, ny jamba lasa mahiratra, ny marenina lasa mandre, ny moana lasa miteny, ny maty nitsangana, ny dokotera nanao sonia filazana iray hoe "maty ilay olona, ary nitsangana." Nampientanentana izany rehetra izany. Saingy rehefa nahita olona aho omaly hariva, izay mambran'ny fiangonana, nandray ny Fahamarinana ka nitsangana avy hatrany teo afovoan'ny olona, mba hiaiky fa diso izy ireo ary vonona ny hanao ny marina, dia izany no tsara indrindra izay fantatro.

⁵ Ilay Fiangonana, efa voafidy angamba ny Ampakarina. Izany dia, manao Azy ho vonona ankehitriny. Ilay fanaovana Azy . . .

⁶ Tapitra ny fifohazana. Fantatsika izany. Tsy misy fanahim-pifohazana intsony. Fotoana adiny roa, dia mitaraina ny olona rehetra. Ao anatin'ny fifohazana iray, dia andro sy alina izany, isan'andro, tsy tapaka mihetsy. Vita ny fifohazana. Ary noho izany dia mitsimpona fotsiny isika.

⁷ Tsy maintsy nitsemboka tamin'izany i Abrahama mandrapahitany toetra. Ary avy eo rehefa nahita toetra izy, ny zavatra manaraka dia ny nanomana azy arak'izany hihaona amin'ilay mpampakatra. Izany ilay zavatra manaraka. Tsaroanareo ve hoe oviana no nahitany azy? Tamin'ny andro hariva, ilay hazavan'ny hariva.

⁸ Nandôna an'ireo vehivavy sy lehilahy, izy roa, omaly hariva; ary nahita azy ireo, tao amin'ny fankatoavana ny Teny, nitsangana dia nanaiky fa diso izy ireo, mila ny famelân'Andriamanitra, sy hanohizana; ity no toerana hahazoana fifohazana iray. Raha nisy fifohazana iray fantatro, dia ho eto mihetsy no hitrangan'izany, izay misy fo mahitsy! Nahoana? Manana zavatra hatao ianareo, hitanareo. Zavatra . . . Ny ankamaroan'izy ireo dia ho lasa miavonavona, tsy mila anareo hiteny amin'izy ireo mikasika an'izany izy ireo; tsarovy fotsiny, io karazana taranaka io dia taranaka ara-anarampiangonana iray, fa tsy Taranak'i Abrahama. Ny Taranak'i Abrahama dia mahita ny Teny, ary mino ny Teny izy, haingana mihetsy.

⁹ Rehefa ilay mpivarotena kely, teo amin'ny fantsakana tamin'io hariva io, ilay vehivavy teo amin'ny fantsakana . . . Nisy

an'ireo mpisorona sy raby nitsangana teo, njery an'i Jesosy nanatanteraka, nanome ny Famantarany Mesianika tamin'izy ireo, famantarana ara-tSoratra iray, ka hoy izy ireo hoe, "Belzeboba Izzy, devoly iray, mpanao hatsarana iray."

¹⁰ Fa vantany vao nanjelatra teo amin'io vehivavy kely io ilay Hazavana, rehefa Noteneniny taminy izay nataony, dia hoy izy hoe, "Tompoko, hitako fa Mpaminany iray Ianao. Ary fantatray fa ho avy ny Mesia, ka, rehefa tonga Izzy, dia Izzy no hiteny aminay an'ireo zavatra ireo." Hitanareo, haingana mihitsy no nahatakaran'io Taranaka voafidy mialoha io an'izany, satria izany no Taranak'i Abrahama iray, marina tokoa. Ary nahita an'ilay Hazavana izy. Izany dia ny Teny. Fantany fa ny Teny no nampantanena hoe, rehefa tonga ny Mesia, dia Izzy no hanao an'ireo zavatra ireo, ary fantany izany.

Hoy Jesosy hoe, "Izaho izay miresaka aminao no Izzy."

¹¹ Nihazakazaka nankany an-tanàna izy ary niezaka nandresy lahatra an'ireo hafa. Hoy izy hoe, "Avia, jereo ny Lehilahy iray Izay niteny tamiko an'ireo zavatra izay nataoko. Tsy izao ve no tena Mesia?" Hitanareo?

¹² Ankehitriny dia teny iray fotsiny ho an'ireo anabavintsika. Efa noheverina ho mpankahala vehivavy foana aho, saingy tsy izany aho. Hitanareo? Fony aho mbola ankizy kely, dia nanana fahatsapana marikivy iray aho; saingy nanana fanajana lehibe ho an'ny vehivavy iray izay vehivavy iray foana aho, ramatoa iray. Fa tsy manaja an'ireo izay milaza ho izany aho nefo tsy izany. Tiako ny mahita ramatoa iray, ramatoa iray tena izy, vatosoa iray izy.

¹³ Amin'izao andro izao no simba ireo vehivavy, simba indrindra amin'izao andro farany izao. Ny Soratra no miteny an'izany. Nahoana? Izao no fiafararan'ilay taona. Tsaroanareo ve hoe inona ilay fahasimbàna voalohany? Izany dia vehivavy iray. Marina izany. Ary amin'ny andro farany! Tsy nanana an'izao mihitsy isika; efa nanana enina arivo taona isika izay niezahan'ireo ramatoa hijanona ho ramatoa. Saingy miezaka ny hihetsika tahaka ny lehilahy izy ireo, manao akanjo tahaka ny lehilahy, manapaka ny volony tahaka ny lehilahy, sy ny sisa. Tsy nanao an'izany mihitsy izy ireo tao amin'ny taona hafa. Ny Baiboly no miteny mialoha an'izao, hoe hanao an'izao izy ireo amin'ny andro farany. Ary eto ianareo izao, fahasimbàn'ny vehivavy. Tsy mahagaga raha nilaza ny Baiboly hoe, "Ireo izay afa-nandositra avy tao—avy tao—avy tao Ziona dia ho be voninahitra eo imason'ny Tompo, amin'izany andro izany." Hitanareo, ahoana ireo afa-mandositra!

¹⁴ Hoy ianareo hoe, "Tsy manao fahasamihafana izany." Tena manao fahasamihafana izany. Nilaza tamiko ny olona iray vao tsy ela akory izay, nanao hoe, "Rahalahy Branham, tsy manao fahasamihafana io zavatra kely io."

¹⁵ Hoy aho hoe, “Nanao izany tamin’i Paoly. Ary hoy i Paoly hoe, ‘Raha tonga avy any An-danitra ny anjely iray ka nampianatra zavatra hafa, dia aoka izy ho voaozona.’ Na mpitoriteny izy ireo, na anjely, na eveka, papa, na inona izy, aoka izy ho voaozona raha misy zavatra mifanohitra amin’Ity.” Hitanareo, marina tokoa izany. Galatiana 1:8, raha tianareo ny hamaky an’Izany.

¹⁶ Ary hoy izy hoe, “Eny, tsy mihevitra aho...” Hoy izy, “Nahita vehivavy niaraka tamin’ny volo tapaka aho, izay malemy fanahy sy mora fanahy mihitsy.”

¹⁷ Hoy aho hoe, “Marina tokoa izany, efa nahita an’izany koa aho. Fa tsy izany ilay izy. Hitanareo, tsy maintsy manatona eo amin’izay nolazain’ny Baiboly ianareo!”

¹⁸ Ahoana moa raha nilaza tamin’i Mosesy Andriamanitra hoe, “Esory ny kiraronao,” nefo hoy izy hoe, “Tompo, hanala ny satroko fotsiny aho, eo amin’ny toerany”? Hitanareo? Tsy maintsy manao an’izay lazain’Andriamanitra hatao ianareo! Ary ny olana amin’ilay izy, izay heveriko, izay tena mampanahy ahy mikasika an’izany, hoe handefitra amin’ny zavatra tahaka an’izany ireo mpitoriteny! Inona izany? Izany no maneho fa Adama moderina iray izany izay nandeha niaraka tamin’ny vadiny. Hitanareo? Mila Adama hafa iray Andriamanitra izay mitsangana miaraka amin’ny Teny, ary Izy irery, ny Teny irery. Ny Teny no marina, tsy mampaninona! Aza mandeha amin’io lâlana io.

¹⁹ Tsia mihitsy, tao anatin’ny enina arivo taona, tsy mbola nisy an’ireo vehivavy ireo hany naniry ny hanapaka ny volony, niakanjo tahaka ny lehilahy, simba. Eo amin’ny andro farany isika. Ary Amerika, ny olona iray izay mahafantatra ny faminaniana, dia mahafantatra fa Amerika dia voaseho amin’ny alàlan’ny vehivavy iray. Izany dia antsoina hoe “fahalalahana’ny vehivavy.” Fahalalahana ho an’ny inona? Hanao an’izay mahafinaritra azy, fahotana.

²⁰ Ny vehivavy iray dia tsy afaka manao izay tiany hatao. Ny Baiboly no milaza fa tsy afaka. Ny vehivavy iray dia vokatra notsoahina avy tamin’ny lehilahy iray. Tsy tao amin’ilay famoronana tany am-boaloahany akory aza izy. Marina tokoa izany. Nalaina avy tao amin’ny lehilahy izy. Ny lehilahy dia sady vavy no lahy; Nalainy ilay fanahy vavy ka napetrany tao anatin’ny taolan-tehezana iray izany izay avy tamin’ny tehezany. Henoy! Efa voamarikareo ve rehefa nandeha nihaona tamin’i Isaka i Rebeka, rehefa nidina niala avy teo amin’ny rameva izy, nanarona ny tavany? Nahoana? Nanatona ny lohany izy.

²¹ Tsy fantatr’izy ireo izany. Tsy maintsy manao an’izany izy ireo, na ahoana na ahoana. Efa voamarikareo ve ny vehivavy iray rehefa manambady izy, mametraka voaly iray eo amin’ny tavany izy? Nahoana? Manatona ny lohany izy. Ary ilay Fianganana,

ilay Fianganana, amin'ny maha-Ampakarina, dia tsy maintsy manisy voaly ny tenany amin'ny fanekem-pinoana rehetra, manatona ny Lohany izy, ny Teny. Kristy no Teny, ary Izy no Loha.

²² Ankehitriny, ry sakaiza, tsy te-hanomboka eo amin'izany aho. Izaho—izaho—nijery teo aho androany, niaraka tamin'ny lahateny dimanjato, mihoatra kelin'ny lahateny dimanjato, an'ny fampianarana lalina teo amin'ny Baiboly. Fa tiako fotsiny ny hijanonana amin'i Abrahama ho an'ity favoriana ity, na izany aza.

²³ Fantatrareo, mino aho fa ny Tompo dia mety, raha tsy mampaninona an'ireo rahalahy, ary raha ny olona rehetra, tiako ny hiverina eto ka hanao fifoahazana iray izay azonareo hijanonana vetivety, hitanareo, izay hipetrahantsika marina tokoa ka hahita fotsiny. [Mitehaka ny fianganana—Mpand.] Misaotra anareo. Misaotra anareo. Fantatro fa misy trondro eto, izaho—izaho—fantattro izany. Ary tiako ny manjono. Ary manana fitaovana hiasana ianareo, olona izay mahitsy fo. Afaka ny ho diso ny olona rehetra. Tsy mahafantatra ianareo; maty isan'andro aho, noho ireo fahadisoako, ary miezaka ny ho velona eo anatrehan'i Kristy. Ary ny olona rehetra izay tena goavana, ka manana betsaka ny Fanahin'Andriamanitra mba hanatonana ary hanaiky fa diso izy ireo, manao hoe, “Mila an'ilay zavatra marina aho,” dia manana fahatokiana eo no ho eo mihitsy aho, satria, izany marina tokoa no Taranak'i Abrahama. Te-hahafantatra an'Izany izy ireo. Tsy fantatri'izy ireo Izany raha tsy mandre an'Izany izy ireo. Fa tsy maintsy re aloha Izany, nanao hoe, “Ahoana isika...raha tsy misy mpitoky teny iray? Ary ahoana no ahafahan'ny mpitoky teny iray history raha tsy Andriamanitra no naniraka azy?” Izany marina tokoa no Fahamarinana. Ankehitriny, mariho ankehitriny.

²⁴ Miverina amin'i Abrahama isika ankehitriny. Tsaratsara kokoa amintsika ny miverina eo aminy, mba, ary manohy eo amin'izany. Afaka mandre ahy tsara mihitsy ve ianareo, eny ambony rihana eny? Isika dia... Mahafinaritra ny mahita, izao hariva izao, vahoaka betsaka mahafinaritra tahaka an'izany. Tena olona maha-te-ho tia ianareo eto. Azoko antoka...

²⁵ Niresaka tamin'ny sakaiza iray aho androany, izay avy any Canada. Ny Tompo no nitondra ahy nankeo amin'ny toerana anankiray izay tsy maintsy nandinihako zavatra iray hitranga. Ary tamin'izay fotoana izay nitsangana... Io sakaiza io, nihaona taminy aho, ary niresaka izy mikasika ny hoe ahoana fa tia fihavanana ny vahoaka Amerikana. Dia hoy aho hoe, “Eny, ary ato dia misy sasany amin'ilay—ilay Taranak'Andriamanitra voafidy mialoha, ato sy manodidina an'ireo toerana ireo, ary ato amin'ity toerana ratsy fanahy indrindra ity.” Tsy ity tanànanareo ity no tiako lazaina. Ny tanànakko, izay nihaviako, dia ratsy

fanahy tahaka ny anareo. Fa izao tontolo rehetra izao dia ratsy fanahy, saingy ilay zaoridira dia nitsingevana nankany Andrefana. Fantatsika izany. Ny fandrosoana dia nanao dia niaraka tamin'izany. Ary any amin'izay misy ny fandrosoana, dia any no ipetrahan'ny fahotana. Marina izany. Jereo izany eto aloha sy aoriana. Tanim-pasan'ny mpitoky teny ity. Marina izany. Jereo i Los Angeles, mipetraka any ny zavatra rehetra sy ny fombam-pivavahana rehetra, ka ny olona rehetra dia manana fanelek-pinoana iray, foto-pampianarana iray. Ny mitondra ny Teny ao anatiny ao, tsy afaka manao an'izany ianareo. Tena simba ilay izy! Marina izany. Ireo demony, devoly, eo amin'ny sezan'i Satana mihitsy! Kanefa eo afovoan'izany rehetra izany, dia misy Voa vitsivitsy ao, ihany koa. Ary ny zavatra tokana azonareo atao dia ny manaparitaka ny Hazavana. Ary raha misy iray amin'io Hazavana io... Raha misy Voa ao, dia ho tonga amin'ny Fiainana izy arakaraky ny andònан'ny Hazavana azy. Tsy maintsy mamafy Hazavana fotsiny ianareo, izay ihany. Ary Izy no Hazavan'ny hariva, fantatsika izany, Ny Teniny.

²⁶ Ankehitriny, omaly hariva dia navelantsika i Abrahama. Izaho dia nanomboka teo-teo amin'ny toko faha-22, saingy tsy vitako hatramin'ny farany mihitsy izany, satria nandeha nankao amin'ny fototra aho teo amin'ny hoe inona i Abrahama tany amin'ny voalohany. Ary navelantsika izy omaly hariva teo amin'izay nanamarinan'Andriamanitra an'ilay faneke na taminy. Oh, tiako izany. Nandrovitra an'ilay fanatitra, nanao fa-faneke na tamin' Abrahama. Ary ahoana fa isika dia... Rehefa niantso an'i Abrahama Izzy, ary hanamarina an'ilay faneke na taminy, dia niteny taminy Izzy mba haka biby telo telo taona, ka hanasaraka azy ireo. Ary nahita an'ireo telo isika. Tsy manana fotoana hidirana ao amin'izany isika. Oadray, afaka mijanona eo amin'io anankiray io ianareo, io lohahevitra anankiray io mihitsy, hatramin'ny maraina, fa tsy hahavita hanazava an'izany. Fa somary mikasika fotsiny an'ireo toerana avo ianareo, ary manantena ny Fanahy Masina amin'ity fotoana ity hanambara ny sisa amin'izany.

²⁷ Ankehitriny, ahoana fa ilay fahatanterahana, ilay Fanatitra tanteraka, tanteraka, Andriamanitra no nahatanteraka tao amin'ny fiainan'olombelona an'izay Hataony. Fantatsika fa isika dia manana... Nanana Andriamanitra ilay Ray isika, dia ilay Jehovah Tsitoha. Avy eo Izany dia tao anatin'ny Andry Hazavana iray, nitondra ny Isirael ny nanerana ny an-efitra. Ary Io Jehovah iray io ihany dia lasa nofo ka nonina teo anivontsika, tao amin'ny endriky Ny Zananilahy tokana, namorona Tabernakla iray ho an'Ny Tenany Manokana honenana, Andriamanitra voaseho tao amin'ny nofo. Ny fahafenoan'ny Maha-Andriamanitra arabatana dia nonina tao Aminy, ilay fanehoana tanteraka. Avy eo (tamin'ny alàlan'ny faneke na) dia nesorina ilay Ampahany olombelona, nozaraina roa, mba Ahafahany (io faneke na io)

hanasaraka an'ilay Vatana izay maty, ilay Rà izay nararaka ho an'ny famelàna ny fahotana, ary nanangana Azy sy nametraka Azy teo Ankavanany, ary nandefa ny Fanahy hiverina tamin'ny Andron'ny Pentekosta. Ary io Aina iray ihany izay velona tao amin'i Kristy Jesosy io no tsy maintsy velona ao amin'ilay vahoakan'ny fanekeena, ilay Aina iray ihany izay manao an'ilay zavatra iray ihany. Hoy Jesosy ao amin'ny Jaona 14:12 hoe, "Izay mino Ahy, ireo asa izay Ataoko no hataony koa." Ankehitriny, na marina izany na diso. Tsy maintsy ho marina izany! Ho ahy, ny Teny tsirairay an'Izany dia marina. Ny Teny tsirairay dia marina tanteraka tokoa. Mariho hoe ahoana no iasan'Andriamanitra be voninahitra.

²⁸ Ary avy eo dia ahoana fa ireo izay an'ny Ray...Tahaka ny nolazain'ny Matio hoe, "Mandehana ianareo arak'izany, ampianaro ny firenena rehetra, manao batisa azy ireo amin'ny Anaran'ny Ray, Zanaka, ary Fanahy Masina." Hitanareo? Ankehitriny, Ray...Tsy midika hoe manana Andriamanitra telo isika. Manana Andriamanitra anankiray isika ao amin'ny asa telo (Maha-Ray, maha-Zanaka, Fanahy Masina), Andriamanitra iray ihany omaly, anio, ary mandrakizay. Marina tokoa izany.

²⁹ Mariho ankehitriny hoe be voninahitra toy ny ahoana no namehoana an'izany tamin'i Abrahama, ary ahoana fa Andriamanitra, tao amin'io Hazavana io, dia nandeha teo anelanelan'ireo tapatapany ireo, nizara roa azy ireo. Tahaka fotsiny an'ilay...Nalaintsika omaly hariva, ahoana no nanaovan'izy ireo fifanekena, nanoratra an'izany ary avy eo dia nandrovitra an'izany, mba tsy maintsy hampitovy azy ireo. Tsy maintsy mitovy ilay fifanekena.

³⁰ Mahita ianareo ankehitriny, ry sakaiza, izany no ezahako lazaina. Na dia eo anivon'ny vahoakantsika Pentekotista aza, dia tonga io devolin'ny fahaizana, miezaka manao ny olona... Ankehitriny, mino ny fanomezam-pahasooan'Andriamanitra rehetra aho. Mino ny fikiakiahana aho. Mino ny fitenenana amin'ny fiteny tsy fantatra aho. Mino ny zavatra rehetra izay nolazain'Andriamanitra aho. Kanefa tsy afaka miantehitra amin'ny iray amin'ireo zavatra ireo ianareo ho antony nahazoanareo ny Fanahy Masina. Hitanareo, tsy maintsy mifanaraka amin'izany ny fiainanareo. Hitanareo? Ny... "Amin'ny voanareo no ahafantarana anareo." Hitanareo? Ary ireo no zavatra izay mampanahy ahy amin'izao andro izao, satria mahita ny fiangonako manokana aho, ilay fiangonana Pentekotista, lasa io "endriky ny toe-panahy araka an'Andriamanitra io," manalavitra ny Fahamarinana. Ary ento eo amin'izy ireo ny Fahamarinan'ny Teny, mihataka amin'Izany izy ireo. Avy eo dia angataho izy ireo hoe, "Avia, mipetraha miaraka amiko," tsy hanao an'izany izy ireo. Hitanareo, izany no maneho fa misy zavatra tsy mety ao. Izany no mampanahy

ahy. Ary, ankehitriny, ilay izy tsy hoe manohitra ny fiangonako aho. Izaho dia . . .

³¹ Raha tia an'i Kristy aho, dia ho tsara betsaka kokoa ho ahy ny handoka Ny Fianganany toy izay handoka Azy. Satria aleoko ianareo mandoka ny zanako toy izay handoka ahy. Ary, tsarovy, nieritreritra aho mazàna, raha nanana indroa mitete amin'ilay Ràn'i Jesosy ara-bakiteny aho tao anatin'ny loviabe iray, ahoana no hihazonako an'Izany, mba tsy andrarahako Azy. Handeha mitandrina tsara mihitsy aho. Fa izao hariva izao dia manana lehibe kokoa noho izany aho, eo Imasonry, manana an'ilay novidian'Ny Ràny aho. Hitanareo, nandraraka Ny Ràny ho anareo Izy. Ary eto aho amin'ny maha-mpitoriteny iray izao hariva izao, mihazona, na manondro aminareo ny fitodianareo Mandrakizay. Noho izany dia tsy hanondro fanekem-pinoana iray aho na dogma iray; tsy maintsy ho ny Teny ilay izy, satria izany ilay zavatra izay haharitra. Miorina eo ambonin'ny Teny ny finoako, ary Kristy no Teny. Ary raha tonga Teny Kristy, amin'izay fotoana izay dia tonga voaseho eto anivontsika mihitsy ny Teny. Hitanareo, tsy maintsy ho izany ilay izy!

³² Ankehitriny, noho izany, mino aho fa ny Andriamaniry ny Testamenta Taloha, izay rehetra naha-izy Azy, dia Nararany tao amin'i Jesosy Ilay Zanany. Ary izay rehetra naha-izy an'i Jesosin'ny Testamenta Vaovao, dia Nararany tao amin'ilay Fianganana izay Novidiany tamin'Ny Ràny Manokana. Hitanareo? "Vetivety foana izao tontolo izao," *kosmos* eo, ny lamin'izao tontolo izao, "dia tsy hahita Ahy intsony. Kanefa ianareo no hahita Ahy," *ianareo*, ilay Fianganana, "satria homba anareo Aho, ho ao aminareo mihitsy aza, hatramin'ny fahataperan'izao tontolo izao." Noho izany ilay Aina, io Fifanekena io, io Fanahy izay nesorina tao amin'i Kristy teo Kalvary io, dia naverina ary nararaka teo amin'ny olona, ilay Taranak'i Abrahama, izay nanaovan'Andriamanitra an'ilay teny fikasana. Tsarovy, tsy ho an'ireo taranany rehetra izany, fa ilay "Taranaka."

³³ Ankehitriny, misy foto-pampianarana iray an'ny fifidianana mialoha izay lò, fahadalana. Fa misy marina tokoa ny fifidianana mialoha iray marina. Andriamanitra, tamin'ny fahalalana mialoha, dia afaka nifidy mialoha satria manana fahalalana mialoha Izy. Tsy sitrak'Andriamanitra ny hahalevona anankiray, saingy, satria ilay Andriamanitra tsy manam-petra, dia fantany izay ho levona sy izay tsy ho levona.

³⁴ Izany no antony Nilazany talohan'i Isaka na—na... talohan'ny nahaterahan'i Jakoba na Esao, hoe Halany i Esao ary tiany i Jakoba. Ny Fahalalany mialoha no namela Azy hahafantatra fa maty eritreritra iray i Esao, ary Izy namela Azy hahafantatra fa Jakoba no nanaja an'io fizokiana io; tsy mampaninona na ahoana no nahazoany azy, nilainy izany. Ankehitriny, ireo zazalahy roa, kambana, dia teraka avy

tamin'ilay reny sy ray masina iray ihany, saingy ny anankiray dia jiolahimboto iray ary ilay hafa dia—dia mpino iray. Ankehitriny Andriamanitra, tamin'ny Fahalalany mialoha, dia nahafantatra an'izany.

³⁵ Ankehitriny, Andriamanitra, amin'ny fahalalana mialoha, Izy—Izy tsy manao ny Raharahanareo tahaka... Tsy hanao ny raharahanareo tahaka an'izany ianareo, eo amin'ny ravin-kazo manidina tahaka an'izany. Andriamanitra dia nahafantatra, tamin'ny fahalalana mialoha, hoe iza no ho voavonjy, noho izany dia nandefa an'i Jesosy Izy mba haka an'ireo izay Hitany mialoha fa ho voavonjy. Vakio ny Efesiana, ny toko faha-1, dia ho hitanareo izany. Hitanareo? Ankehitriny, eo.

³⁶ Avy eo dia mandefa Ny Filazantsarany Izy ka mamafy an'Izany, mandefa Ny Fanahiny mba hanao an'Izany ho velona. Ankehitriny, hitombo ao amin'ilay saha iray ihany izy roa ireo, Hebreo 6 no miteny an'izany amintsika hoe, "Fa ny orana dia milatsaka matetika," hoy Jesosy, "eo ambonin'ny tany," ary mariho eo, "hanamboatra, hikarakara ny tany; fa ireo tsilo sy songosongo, izay akaikin'ny fandàvana, ny fiafarany dia ny hodorana." Hitanareo ve izany? Tsarovy ankehitriny.

³⁷ Halaintsika ny saham-bary iray. Ianareo olona izay mamboly vary eto. Ary indro ny—tonga ny hain-tany iray. Indro ireo mandady na ahi-dratsy izay anananareo eto, ahi-dratsy sasany fantatra maniry ao amin'ny saha; ireo mandady ao amin'ny saha, ireo ahi-dratsy mitera-dronono ao amin'ny kodiarana... ny saha, ireo tsilo ao amin'ny saha. Ary ilay vary dia ao amin'ny saha. Samy mangetaheta izy roa. Ary tonga ny orana tsy ho an'ilay ahi-dratsy, fa ho an'ilay vary, saingy hitsangana avy hatrany io ahi-dratsy kely io ka hifaly betsaka mihitsy tahaka an'ilay vary.

³⁸ Fa amin'ny voany no ahafantarana anareo. Ilay Fanahy iray ihany no milatsaka eo amin'ny mpihatsaravelatsihy iray ka hikiakiaka sy hanao hadalana tahaka ny sisa amin'izy ireo izy, saingy ny fiainany no manaporofo an'izay maha-izy azy. Hitanareo? Ary miantehitra be loatra amin'ny fahatsapana isika. Ary amin'izao andro izao dia feno an'ireo karazana fahatsapana rehetra ilay saha, ny karazana fahatsapana tsy ara-tsoratra rehetra sy ny zavatra hafa rehetra. Izany tokoa. Fa tsy mantsy miverina amin'ny Teny isika, ny Fahamarinan'ny Teny. Ny Teny, izay Nolazainy!

³⁹ Ankehitriny, Andriamanitra no niteny tamin'i Abrahama fa tamin'ny alàlany, ilay fanekena fahatelo, ary ilay fanekena tokana. Jesosy dia fanamarinana iray fotosiny an'ilay fanekena izay Nataony tamin'i Abrahama, ilay Taranaka mpanjaka, Taranaky ny Fanahy.

⁴⁰ Ary ho anareo makaizako Katolika sarobidy, rehefa milaza ianareo hoe, "Arahaba, ry Maria, renin'Andriamanitra," dia

tsy menatra ve ianareo? Ahoana no ahafahan'i Maria ho renin'Andriamanitra? Tsy mety ho izany izy. Milaza ianareo, eny... .

⁴¹ Niresaka tamin'ny olona iray aho indray andro, tsy mifanaraka izy ireo. Nilaza izy ireo fa—fa Jesosy dia ilay—ilay voan'i—i Maria. Raha voan'i Maria Izzy; talohan'ny nahafahan'ilay voa hidina nankao amin'ilay fantsona, dia tsy maintsy nisy fahatsapana iray hitondra azy. Amin'izay fotoana izay ianareo dia manao an'i Jehovah... Hitanareo ve izay ampanao vinareo Azy?

⁴² Andriamanitra, ilay Mpamorona, no namorona an'ilay atody sy ilay selan-dRà, ka niteraka an'ilay Tabernakely. Ary tsy nisy nidiran'ny olona tamin'Izany! Andriamanitra irery Izany! Marina izany.

⁴³ Vehivavy tsara iray izy, izany tokoa. Misy betsaka mipetraka eto izao hariva izao. Ary rehefa vitan'Andriamanitra ny fampiasana zavatra iray, dia miala eo amin'ny sehatra izany. Ary tsy mpanelanelana iray izy. Tsy renin'Andriamanitra izy. Izzy dia vehivavy iray tsara, masina ao amin'ny Voninahitra, satria nahatanteraka ny tanjon'Andriamanitra izy. Ary ny vehivavy tsirairay ato dia manana an'ilay fanararaotra iray ihany, angamba tsy amin'ilay fanao iray ihany, saingy mba hanompo an'Andriamanitra. Hitanareo? Hampiasa anareo Andriamanitra.

⁴⁴ Nampiasa azy ho fikotrehana iray fotsiny Izzy, fa ilay Zaza dia an'Andriamanitra. Hia, Izzy no Mpamorona ny atody sy ny hémoglobine. Ary ny hémoglobine, mazava ho azy, dia avy amin'ny fananahana lahy; ary Izzy no Mpamorona an'izany. Ary nahazo an'io zazakely io tsy nisy fahatsapana iray mihtisy i Maria, tsy misy afa-tsy ny Fanahy Masina no nanaloka azy ka namorona tao an-kibony an'io selan-dRà sy atody izay namokatra an'ilay Lehilahy io, Kristy Jesosy.

⁴⁵ Ary izany ilay fanekena izay nosoratan'Andriamanitra, hoe rehefa tonga olombelona teo anivontsika Andriamanitra, tamin'izay fotoana izay Izzy no norovitina nisaraka. Hitanareo, izy telo ireo, telo taona, avy eo dia norovitina nisaraka. Ary nentin'Andriamanitra niaraka Taminy nankany an-Trano ny ampahany anankiray an'Izany, ka nandefa an'ilay ampahany hafa teto ambany teto. Ankehitriny rehefa mihaona indray ilay Vatana, dia tsy maintsy ho ilay Aina iray ihany izay nitondra an'io Vatana io no tsy maintsy ho ilay Aina iray ihany izay mitondra an'ity Vatana ity. Ary Izzy no Teny. Ary Izzy no Teny! Hitanareo? Ary ireo asa izay nataon'ny Teny tamin'izany no manao an'ilay zavatra iray ihany androany. Izzy no Teny, ilay Teny Mandrakizay. Ary ny Tenin'Andriamanitra dia Mandrakizay. Eny àry.

⁴⁶ Ankehitriny dia inona no Nataony? Nanao lâlana iray, maneho, mahafantatra fa Isirael, ilay taranaka araboajanahary, dia handà Azy; saingy nahafantatra fa ilay Taranaka mpanjaka, tsy avy amin'ny resaka ara-pananahana tamin'i Saraha, fa avy tamin'ny finoana izay nananan'i Abrahama, izay namokatra an'i Kristy, izany ilay Taranaka mpanjaka an'ny firenena rehetra, ilay mifangaro, ilay Ampakarina avy amin'ny firenena rehetra. Abrahama, rain'ny firenena, tsy satria hoe izy dia nanana...niaina niaraka tamin'ny vadiny, Saraha, ka niteraka an'ilay zanaka, fa satria nino ny Teny izy. Amena. Izay ilay izy.

⁴⁷ Ankehitriny dia hitantsika, taorian'io, io fahatsapana lehibe io. Ankehitriny dia tonga eo amin'ny toko faha-17 isika. Hiezaka isika ny ho tonga eo amin'ny faha-22, raha azo atao. Ny toko faha-17. Tianareo ve ny dia miaraka amin'i Abrahama? Tiako fotsiny ny mandinika an'izany. Satria nahoana? Ny zavatra rehetra izay nataony dia tandindona iray tanteraka an'ilay Fiagonana. Mino an'izany ve ianareo? Mariho, ny Soratra rehetra dia manao tandindona an'izany.

⁴⁸ Jereo Joela, nanao hoe, "Izao no hiseho amin'ny andro farany, fa Andriamanitra dia handatsaka Ny Fanahiny." Ahoana fa ho tonga ny valalavao iray ka nandany ny Fiagonany! "Izay sisany kijeja, ny valalavao; ary ny valalavao, ny sompanga." Ary ilay bibikely iray ihany izany, biby kely iray ihany ao amin'ny dingana samihafa. Ny tsirairay avy nihinana ampahany iray. Indro tonga ilay sompanga antitra na ilay valalavao ka nihinana an'ilay hodi-kazo, ary ilay hafa nihinana ny voankazo, ary-ary avy eo dia tonga ireo hafa izay nitsentsitra an'ilay aina hiala taminy. Izany dia rehefa . . .

⁴⁹ Kristy, io Hazo izay tao amin'ny sahan'i Edena io! Nisy hazo roa tao amin'ny sahan'i Edena. Napetraka teo ireo hazo roa ireo ho an'ny tanjom-pahaterahana iray. Ary rehefa . . . Eva, izy ilay hazon'ny fahafatesana raha nokasihana izy. Ary Kristy no Hazon'Aina. Ankehitriny avy amin'ny vehivavy no ahatongavan'ny fahafatesana; avy amin'ny Lehilahy no tonga ny Fiainana.

⁵⁰ Ankehitriny rehefa nitsangana teo Izy niresaka tamin'ireo Jiosy, dia hoy Izy hoe, "Izaho . . . ny . . ."

⁵¹ Hoy izy ireo hoe, "Ny razanay nihinana ny mana tany anefitra nandritry ny efapolo taona."

⁵² Hoy Izy hoe, "Fa izy ireo dia, ny tsirairay avy, maty! Fa Izaho no Mofon'Aina, Hazon'Aina, izay avy tamin'Andriamanitra any An-danitra, ka raha mihinana an'ity Mofo ity ny olona iray dia tsy ho faty mihitsy."

⁵³ Nametraka Serafima teo Andriamanitra, niambina an'io Hazo io, mba tsy hisy olona hikasika Azy. Ankehitriny dia manana Serafima Izy, miezaka ny hitondra azy ireo hankeo

amin'ilay Hazo. Tamin'ireo andro ireo, dia nahita fahitana izy ireo, te-hankeo amin'ilay Hazo izy ireo, hiverina tsy nisy fanaovam-panavotana iray. Fa ankehitriny rehefa vita ilay fanaovam-panavotana, dia manajamba azy ireo ny devoly, manodina azy ireo amin'ity lèlana ity hiala amin'ilay Hazo. Mariho.

⁵⁴ Rehefa tonga teto an-tany Kristy, dia Izzy no Hazon'Andriamanitra tanteraka. Nahita Azy i Davida ao amin'ny Salamo faha-1, nanao hoe, "Hazo nambolena eo amoron'ny renirano, ireo reniranon'ny rano." Renirano maro, Rano anankiray; fanomezam-pahasooavana maro, Fanahy iray ihany. "Ny raviny tsy halazo."

⁵⁵ Fa rehefa tonga teto an-tany Izzy, dia inona no nitranga? Ny fahefana Romana no nanapaka an'io hazo io ka nanantona Azy teo amin'ny hazo iray nataon'olona. Avy eo dia nanangana an'io Hazo io Andriamanitra ka nametraka Azy teo ankavanana, ary nandefa ny Fanahy indray hanao Ampakarina iray ho Azy, tahaka ny tokony ho nananan'i Adama tao amin'ny sahan'i Edena. Ary rehefa nanomboka io hazo io, dia hazo pentekotista iray izany.

⁵⁶ Mandre an'ilay papa isika manao hoe, "Ireo fiangonana rehetra, miverena amin'ilay fiangonana reny, mankany amin'ny voalohany. Miverena amin'i Roma!"

⁵⁷ Mila mpahay tantara anankiray aho, mpitoriteny anankiray, na olona iray hitsangana, hijery ahy manatrika ka haneho amiko fa nanomboka tany Roma ny fiangonana. Nanomboka tany Jerosalema ilay Fiangonana tamin'ny Andron'ny Pentekosta! Tany izany. Ny rafi-pandaminana no nanomboka tany Roma, telonjato taona mahery taty aoriane. Fa ilay Fiangonana dia nanomboka tamin'ny Pentekosta; nanangana hazo Ampakarina iray ho an'i Kristy Andriamanitra, miaraka amin'ilay Fanahy iray ihany izay tao amin'i Kristy, nanangana hazo Ampakarina iray. Ary inona no nitranga? Rehefa nanomboka nitaraina izany, nitombo, dia nipetraka teo ambonin'izany ilay bibikely Romana ka nanomboka namotika azy. Izay sisan'ny kijeja, nohanin'ny sompanga, hany ka lasa vodihazo iray mihitsy ilay izy.

⁵⁸ Saingy hoy Andriamanitra hoe, "Izaho no hamerina, hoy ny Tompo." Haniry indray io hazo io, satria manaraka ny Ampakarina io Hazo Ampakarina io.

Tonga i Luther, inona no Nataony? Manaraka ny fanamarinana.

⁵⁹ Tahaka an'izany marina tokoa no nahatongavan'ny fiangonana, nitory ny fanamarinana i Jaona. Niditra Kristy, nitory ny fanamasinana. Hebreo... Ny tiako lazaina dia Masindahy Jaona 17:17, "Manamasina azy ireo amin'ny Fahamarinana, Ray. Ny Teninao no Fahamarinana." Ary Izzy no Teny. Marina izany. Izzy no Fanatitra. Avy eo, tamin'ny Andron'ny

Pentekosta, niaraka tamin'ny Fanahy Masina. Fanamarinana; fanamasinana; ary rehefa nandray ny batisan'ny Fanahy Masina ilay hazo, dia hazo Ampakarina feno iray izy!

⁶⁰ Ireo Romana no nandany azy. Tahaka ny nidinany mihitsy, no niakarany! Ary satria nanomboka niakatra izy tamin'ny alàlan'i Luther, dia inona? Taorian'ny fahafatesan'i Luther, dia narafitr'izy ireo izany. Inona no nataon'ilay Vady? Norantsanany ireo voaloboka antitra maty.

⁶¹ Lasa izy, lavitra kokoa, nitombo ny fon'ilay hazo. Hazo voafidy mialoha iray izany! Mandry ao io Voa io, tsy maintsy tonga izy! Ary niakatra indray izy, ka nanomboka i Wesley. Ary nanana fifohazana lehibe iray izy ireo teo ambanin'ny fanamasinana. Inona no nitranga? Norantsanany indray izany, rehefa nandrafitra izy ireo. Tsy nisy rafi-pandaminana iray mihitsy hany nitsangana. Tsy misy anankiray mihitsy izay hany lavo ka mba niverina indray.

⁶² Avy eo dia tonga ireo Pentekotista, niaraka tamin'ny famerenana an'ireo fanomezam-pahasovana. Inona no nataon'izany? Nandrafitra! Inona no nataon'Andriamanitra? Nandrantsana azy!

⁶³ Saingy inona no Nolazainy? "Izaho no hamerina, hoy ny Tompo." Hamoaka avy amin'io fivangongoana io Izzy, Fianganana iray izay voasasan'ny Rà, voavidin'ny Baiboly, ary mafy amin'ny Teny, Ampakarina iray! Mivoaka ireo Hazavan'ny hariva. Aiza no masaka ilay voankazo? Eo an-tampon'ny hazo mihitsy. Indro aho fa mandeha indray!

⁶⁴ Miverina amin'i Abrahama, miverina, ndao isika handeha eo amin'i Abrahama. Indro tonga Izzy, tonga ilay Taranaka mpanjakan'ny andro hariva. Ireo firenena... Mariho ankehitriny aorian'ny toko faha-17, hitantsika ato amin'ny toko faha-17, fa niseho tamin'i Abrahama Andriamanitra tamin'ny Anarana hoe Andriamanitra Tsitoha.

⁶⁵ Sivy amby sivifolo taona i Abrahama, ary tsy nivembena mihitsy nandritr'io fotoana rehetra io, fa nino ny Tenin'Andriamanitra; ka niantso ny zavatra rehetra izay tsy nisy ho toy ny nisy, satria Andriamanitra no niteny an'izany, nino foana fa ho tonga io zazakely io, nifikitra teo amin'ilay teny fikasana. Lehilahy iray toy ny inona! Rahalahy iray toy ny inona! "Abrahama, izay nanohitra ny fanantenana..." Efa maty ny kibon'i Saraha. Momba izy. Maty ny vatany. Ny Baiboly no nilaza fa izany ilay izy, hoe maty tsara mihitsy ny vatany. Ary maty ny kibon'i Saraha. Ary saiky efa efapolo taona izao no nihoarany ny fitsaha-jaza, nefo mbola nino an'izany foana i Abrahama, hoe hahazo an'io zazakely io izy satria Andriamanitra no niteny an'izany. Eo ianareo izao. Mifikitra amin'ny Teny satria Andriamanitra no niteny an'izany! Tsy mampaninona na inona, no nanaronan'ireo fanekem-pinoana

an'Izany, fa, mbola nipetraka teo foana io Teny io! Tsy maintsy tonga Izany. Ary io Teny io no nipetraka tao anatin'ny fon'i Abrahama!

⁶⁶ Tsy mampaninona na firy no milaza hoe, “Efa lasa ny andron’ity, sy *itsy etsy*.” Raha mbola mipetraka eo foana io Teny io, dia ho famoronana izany, satria Teny lonaka iray izany. Satria, Andriamanitra no Teny, ary ny Ain’Andriamanitra dia ao anatin’ny Teny. Mariho ankehitriny rehefa miditra ao amin’ny Ain’Andriamanitra io Teny io, dia misy zavatra mitranga, miseho ilay izy. Mariho ankehitriny.

⁶⁷ Avy eo dia niseho taminy Izy tamin’ny Anarana hoe Andriamanitra Tsitoha. Ankehitriny, nanana anaram-pamonjena fito mikambana Andriamanitra. Ary niseho taminy Izy teto tamin’ny endrika Andriamanitra Tsitoha, izay midika hoe “El Shaddai.” Amin’ny . . . “Shaddai,” amin’ny teny Hebreo. *El* dia midika hoe “anankiray matanjaka.” *Shad* dia midika hoe “nono,” tahaka ny nonom-behivavy. Ary ankehitriny raha tokony ho “shad,” tokana; “Shaddai,” betsaka. Ankehitriny dia fiononana mamy iray toy ny inona ho an’ny lehilahy antitra iray, zato taona, mihazona ny Tenin’Andriamanitra ao am-pony, ary indro tonga taminy ny Feon’Andriamanitra ka nanao hoe, “Izaho no El Shaddai. Izaho no Andriamanitra Manana nono.”

⁶⁸ Oh, fiononana toy ny inona no ananantsika! Ankehitriny, tsy, tsarovy, tsy hoe fotsiny “nono,” fa “manana nono”! “Voalefona nohon’ny fahotantsika; tamin’ireo Dian-kapony no nanasitranana antsika.”

⁶⁹ Ankehitriny, inona no ataon’ny reny iray, miaraka amin’ny zaza keliny, rehefa marary izy ka sorisorena? Alainy ilay zaza kely. Hakariny eo amin’ny nonony izy, ary izy . . . minono an’ilay tanjaky ny reny izy mankao amin’ny vatany manokana amin’ny alàlan’ilay nono. Ary tsy hoe afa-po fotsiny izy na izy dia . . . Mangina izy. Mihiakiaka amin’ny tampon’ny feony izy, mikorontana tanteraka izy; fa rehefa alain’ilay reny izy ka apetrany ny . . . apetrany eo ambonin’ny nonony, ary manomboka misamonomonona aminy, mandrotsirotsy azy aloha sy aoriane, tsapany ny reminy, eo an-tratrany ny lohany, dia manomboka minono izy ka misintona an’ilay tanjaka avy amin’ny reniny, mankao amin’ny vatany. Mamelombelona ny tenany izy, manorina tanjaka; ary afa-po ihany koa, raha mbola mitombo mahery kokoa sy mahery kokoa isan’andro isan’andro izy.

⁷⁰ Fahatsapana iray toy ny inona ho an’ilay Taranak’i Abrahama! Mbola Andriamanitra Tsitoha foana Izy, El Shaddai! Afaka mihazona ny teny fikasana rehetra izay Nataony ao amin’ny Baiboly isika. Ny Taranany, ireo Zanany, raha marary ianareo, hazony fotsiny ilay nonon’ny teny fikasan’ny Teny izay nilaza hoe, “Tamin’ireo Dian-kapony no

nahasitranana antsika.” Mahafa-po izany! Ary misintona tsy ankitsahatra isika, ny tanjatsika, avy amin’ilay Anankiray matanjaka, El, ilay Anankiray matanjaka, ilay Anankiray Mandrakizay, misintona Ny Ainy avy Aminy, amin’ny alàlan’ny Fampanantenany.

⁷¹ Fihetseham-po iray toy ny inona no omen’izany ho an’ny olona iray mipetraka eo an-tratran’i El Shaddai, mino, mahafantatra fa minono ny herin’i Kristy isika, avy amin’ny Fampanantenany, mankao amintsika!

⁷² Rehefa nampiankina an’i Abrahama teo an-Tratrany i El Shaddai, dimy amby roapolo taona tany aloha; lehilahy antitra iray, dimy amby fitopolo taona, ary ny vadiny dimy amby enimpolo; tsy niala tamin’io Nono io mihitsy izy. Nanohy nandeha avy hatrany nankany amin’ny tany hafa iray izy, teo anivon’ny vahoaka hafa izay tsy nahafantatra an’Andriamanitra, fa nijoro vavolombelona tsy ankitsahatra izy ary natanjaka tamin’ny finoana, nanome dera an’Andriamanitra, satria fantany fa nisintona avy tamin’io teny fikasana io izy.

⁷³ Fanantenana iray toy ny inona izany ho an’ny fiangonana izao hariva izao, ao amin’ny oran’ny aizina, finoanoam-poana, fahatsapana, ara-tsaina. Hoy ny Fanahy Masina hoe, “Amin’ny andro farany dia ho tonga ny fiangonana ara-tsaina iray. Miteny mazava ny Fanahy,” Timoty Voalohany 3, “amin’ny andro farany dia hiala amin’ny Finoana ny sasany, manaiky an’ireo fanahy mamitaka, sy foto-pampianaran’ny devoly,” azo antoka, “manana ny endriky ny toe-panahy araka an’Andriamanitra.” Inona no nataon’izy ireo? “Kirina, mpieboebo.” Dokotera Ph.D., LL.D., QST, ireo titra rehetra ireo. “Nahoana, Dokotera *Ranona-sy-Ranona*, fotoana *izao-sy-izao*, no pasiteranay.”

⁷⁴ Aleoko lehilahy iray na ao amin’ny fianakaviako, na zanako, izay tsy mahafantatra ny fahasamihafana eo amin’ny silaka tsaramaso sy kafe, nefo nahafantatra an’i Kristy! Marina izany. Ento any ho any eo akaikin’ny vodihazo trrainainy iray izy ka ampandohaleho ary mivavaha miaraka aminy mandra-piditry ny Fanahy Masina ao anatiny. Aleoko manana an’izany toy izay ny psykolojia rehetra izay azonareo araraka eo aminy amin’ny alàlan’ny diplaoman’ny dokotera iray. Teneno aminy ny Tenin’Andriamanitra! Eny.

⁷⁵ “Saingy kirina, mpieboebo, tia fahafinaretana noho ny fitiavana an’Andriamanitra, mpanontolo fo, mpanendrikendrika, tsy mahonom-po, ary tsy tian’ny tsara.”

⁷⁶ Oh, hoy ianareo hoe, “Ireo Kominista izany.” Tsia, tsia! Izany dia ireo mody antsoina Kristiana.

⁷⁷ “Manana ny endriky ny toe-panahy araka an’Andriamanitra, nefo mandà ny Heriny, alaviro ny toy izany. Fa izany ilay karazan’ny mandeha mitety trano, mitarika an’ireo vehivavy adaladala, tarihin’ny filàna maro, tsy afaka ho tonga amin’ny

fahalalana ny fahamarinana mihitsy.” Marina izany. Izany ny amin’ilay izy. Ary hitantsika izany andro izany.

⁷⁸ Ary fiononana iray toy ny inona ho an’ny mpino, manasaraka ny tenany amin’ny tsi-finoana rehetra, ireo fanekem-pinoany tsy masina rehetra, ireo foto-pampianarany tsy masina rehetra, ary mijery mahitsy mankany amin’i Kristy sy mandray ny Teny, ary mifikitra eo amin’io Teny io mandra-pahitanareo an’Izany tonga voaseho. Tsy mampaninona na mandra-pahoviana no tsy maintsy iandrasanareo, mijanònà eo! Andriamanitra no nampanantena an’izany. Izy no nitarika anareo teo amin’izany, mifikira eo amin’izany! Mijanònà eo. Aza avotsotra izany. Mijanònà tsara eo. Raha azonareo antoka izany, dia hijanona eo ianareo. Fa raha miahahanana ianareo, dia hamotsotra ny zavatra kely rehetra ianareo. Ny gidro iray dia mandramby an’ireo zavatra mamiratra, fa ny bera iray dia mihazona ny fihazonany. Noho izany, dia mijanònà! Eny, mifikira, famikirana tsara!

⁷⁹ El Shaddai! Hoy Izy hoe, “Izaho no El Shaddai. Abrahama, Izaho ilay Anankiray matanjaka. Lehilahy antitra iray ianao. Zato taona ianao ankehitriny, lasa tanteraka ny tanjakao; fa Izaho no Tanjakao! Lasa tanteraka ny fanantenanao; fa Izaho no Fanantenanao!”

⁸⁰ Oh, ianareo izay mijaly, izao hariva izao, eto miaraka amin’ny homamiadana sy ny karazany, tsy afaka mahita ve ianareo hoe avy aiza ny Tanjakareo? Tsy avy amin’ny antsins’ny mpandidy, fa avy amin’ny Tenin’Andriamanitra! “Izaho no Anjaranao! Izaho no Tanjakao! Sintony avy Amiko ny tanjakao!”

⁸¹ Tsy hoe tsy miraharaha an’ilay mpandidy ankehitriny; manao ny anjarany izay miankina aminy izy. Fa Andriamanitra no Mpanasitrana. Tsy misy mpandidy, tsy misy dokotera, tsy misy fanafody hany manasitrana. Tsia, tompoko, tsy manana fanafody anankiray izay hanasitrana izy ireo. Ankehitriny, ny dokotera rehetra dia hiteny aminareo an’izany. Mitondra fanampiana izy ireo, fa Andriamanitra no Mpanasitrana. Mety mandidy fery iray eo amin’ny tanganareo izy ireo, fa Andriamanitra no tsy maintsy manasitrana an’izany. Tsy manana na inona na inona hanamboarana nofo izy ireo; raha afaka izy ireo, dia afaka nanamboatra olona iray. Noho izany dia hitanareo, Andriamanitra no Mpanasitrana. Afaka mametraka taolana iray ianareo, fa Andriamanitra no tsy maintsy manasitrana an’izany. Andriamanitra no Mpanasitrana, “Izaho no Tompo izay manasitrana ny aretinao rehetra.” Ary tsy afaka hanao ny Tenin’Andriamanitra handainga ianareo; hiverina avy hatrany eo amin’ny fahamarinana Izany isan’andro, miverina mahitsy avy hatrany mihitsy. Tsy afaka hanao an’Izany handainga ianareo.

⁸² Ankehitriny dia milaza izy ireo fa mifanohitra amin'ny Tenany ny Baiboly. Nangataka aho, ary niteny tamin'ireo lehilahy fa hanome azy ireo karama herintaona aho, raha vitako, ny zavatra rehetra izay azoko atao, mba haneho amiko teny anankiray ao amin'ny Baiboly izay mifanohitra amin'ilay anankiray hafa. Marina izany. Tsy ao izany. Izany dia satria mijery araka ny ijereny ny fisainanareo ara-nofo. Ny Fanahy Masina no Mpandika an'ity Teny ity. Marina ity Teny ity, napetraka miaraka. Izy rehetra ao dia tahaka ny piozila iray, fa mila ny Fanahy Masina hametraka Azy miaraka, hanao Azy ho sarin'ny fanavotan'Andriamanitra sy ireo Fitahiany ho an'ny Olony. Amena. Tsy mifanohitra amin'ny Tenany Izy! Tsy misy Soratra anankiray, tsy misy andininy anankiray an'Izany, mifanohitra amin'ilay anankiray hafa. Raha izany no izy, dia tsy mendrika an'ilay taratasy nanoratana azy izany, mamitaka izany. Tsy mamitaka Andriamanitra. Mahatoky Andriamanitra, marina, masina, mahitsy fo. Andriamanitra Izy.

⁸³ Ankehitriny, rehefa nahazo an'io teny io Abrahama, hoe "Izaho no El Shaddai. Izaho no Mpanome-Tanjaka anao! Ny vadinao, maina tanteraka ny kibony, nihoatra efapolo taona an'ny fitsaha-jaza izy, ny vatanao dia maty tsara mihitsy; fa Izaho no El Shaddai." Vao avy niteraka an'i Isimaela izy, fantatrareo; fa hoy Izy hoe, "Tsy izy izany. Tsia, ho lehilahy malaza iray izy. Hiteraka andriana marobe izy. Fa ilay anankiray izay Nanaovako ny teny fikasana, dia eo aminao sy Saraha." Izay ilay izy! Amena. Nahatsapa ho tena tsara i Abrahama.

⁸⁴ Hoy Izy hoe, "Ankehitriny dia te-hiteny zavatra aminao Aho, ry Abrahama. Hanova ny anaranao Aho." Hoy Izy hoe, "Tsy antsoina hoe Abrama intsony ianao, fa Abrahama." *Abrama* dia midika hoe "avo—ray avo." Fa *Abrahama* dia midika hoe "rain'ny firenena." Ary tsy S-a-r-a-y intsony; izy dia S-a-r-a-h-a, *Saraha*, "mpanjakavavy." Nanova ny anaran'izy ireo! Inona ny—anaranana iray niova! Nisy zavatra niseho satria izy ireo dia... Hitanareo, tsy maintsy misy fiovana iray alohan'ny hitrangan'ireo zavatra. Tsy afaka nanome azy ireo an'ilay zaza Izy raha mbola mijanona tahaka an'izany foana ny anaran'izy ireo.

⁸⁵ Ary tsy afaka hateraka indray ianareo raha mbola mijanona any ivelan'ny Bokin'ny Lanitra foana ny anaranareo. Mety mametraka an'izany eo amin'ny fiangonana tsirairay ianareo, Metodista, Batista, Presbyterana, mitondra an'izany mitety toerana, mifamaly amin'izy rehetra ireo; saingy tsy maintsy voapetraka eo amin'ny Bokin'ny Lanitra izany alohan'ny ahafahan'ny zavatra rehetra hiseho, ka afaka ho tonga ny famoronana vaovao. Alohan'ny nahafahan'ny fiainana vaovao ho tonga, dia tsy maintsy novaina ny anaran'izy ireo. Ianareo dia mety tsy maintsy hanova ny anareo, ihany koa, avy amin'ny sasany amin'ireo boky nataon'olona ireo, ho amin'ireo Bokin'ny Lanitra.

⁸⁶ “Ary eo, ny anaranao dia tsy *Abrama* intsony, ‘ray avo’; fa izany dia *Abrahama*, ‘rain’ny firenena.’ Tsy (Saraha) intsony, *Saray*, fa Saraha, ‘mpanjakavavy.’”

⁸⁷ Oh, indro isika fa tonga ankehitriny eo amin’ny toko faha-18 ankehitriny. Avy tamin’ny faha-17, ndao isika handeha eo amin’ny faha-18, satria ilay izy fotosiny dia . . . Tsy tiako ny ho lasa lavitra loatra an’izany izao hariva izao, hihazona anareo eto, satria tiako ianareo hiverina rahampitso hariva. Mariho ankehitriny. Ary isika dia ho tonga, haingana mihitsy arak’izay vitantsika, eo amin’ny faha-22. Diniho ankehitriny. Rehefa tonga teo amin’ny andro anankiray izany teo amin’ny, angamba, atao hoe, roa na telo andro taorian’izany, *Abrahama* sy Saraha, tafapetraka ny tranolain’izy ireo.

⁸⁸ Tany amin’ny tanàna lavitra tany, heveriko fa nanao an’ireo didin’akanjo vaovao rehetra izay nananan’izy ireo tany Rtoa. Lota. Ary nanao an’ireo taovolo rehetra sy ny zavatra rehetra izay nananan’izy ireo izy. Niaina nirentirenty fotosiny izy, ary nanao an’ireo zananivavy rehetra tahaka an’izany mihitsy. Tahaka an’izany mihitsy no nataon’ilay reny antitra mpিজাঙ্গাঙ্গা amin’izao andro izao, ary manao an’ireo zananivavy rehetra hanao an’ilay zavatra iray ihany.

⁸⁹ Ankehitriny, fa i Saraha, na dia ilay vehivavy tsara tarehy indrindra teo amin’ilay firenena rehetra aza, dia nipetraka teo amin’ny tany karakaina, satria nifikitra tamin’ilay nanana ny teny fikasana izy. Ankehitriny dia tsaratsara kokoa amiko ny mijanona eto avy hatrany, satria handeha aho, izaho dia ho . . . Hihazona anareo eto hatramin’ny misasak’alina aho. Nifikitra teo amin’i *Abrahama* izy. Marina izany. Izy no nanana ny teny fikasana.

⁹⁰ Mifikira amin’i Kristy, Izy no Anankiray izay manana ny teny fikasana! Izy no Fampanantenana. Izy no Fampanantenana! Mariho.

⁹¹ Indray andro dia lasa tena mahamay ny masoandro indray maraina, nipetraka teo amin’ny aloky ny tranolainy *Abrahama* tany teo akaikin’ny ôka. Dia njery izy, tsy maintsy ho teo amin’ny iraika ambin’ny folo ora teo izany, ary nahita lehilahy telo tonga izy, nanatona, vovoka no teo amin’ny akanjon’izy ireo. Dia nihazakazaka i *Abrahama*. Nisy zavatra tao am-pony izay nanao azy hahatsapa ho tena tsara, ka nihazakazaka izy ary niankohoka teo an-tongotr’izy ireo. Ary diniho, hoy izy hoe, “Ry Tompoko!” Tsy hafahafa ve izany? Telo tamin’izy ireo; nefá “ry Tompoko”!

⁹² Jereo i Lota. Rehefa nandeha tany ny roa tamin’izy ireo, ny roa tamin’izy ireo fotosiny, dia hoy izy hoe, “Ianareo tomoko.” Lota dia niantso azy ireo hoe “ireo tombo.” *Abrahama* . . . Lota dia niantso, anankiroa, “ireo tombo.”

⁹³ Nefa Abrahama dia niantso, izy telo ireo hoe, “Tompo! Ry Tompoko!” Amena! Oh, antomotra ny fotoana! Mariho, hoy izy hoe, “Ry Tompoko, raha nahita fitia teo Imasonao aho, manatôna, mipetraha eo ambanin’ny ôka. Avelao aho hitondra rano kely, ka hanasa ny Tongotrao, ary haka tapa-mofo iray. Fa izao ihany no antony Nandalovanao, mba hijery ahy.” Nanatona izy ireo.

⁹⁴ Lasa izy ary nandalo tao ambadik’ilay tranolay, ka nanao hoe, “Saraha, mametafetaha koba vitsivitsy haingana mihitsy, ka manaova mofomamy vitsivitsy eo ambonin’ny fatana.” Nivoaka ary naka zanak’omby iray, na nampamono sy nikarakara azy, ary nanamboatra kôtoleta, sy nitondra dibera vitsivitsy ary ronono vitsivitsy, ka—ka nametraka an’izany teo alohan’ilay lehilahy, dia nihinana izy ireo.

⁹⁵ Ary ny Anankiray tamin’izy ireo dia Andriamanitra Izy tenany! Izany no nolazain’ny Baiboly. Ankehitriny raha te-hiady hevitra amin’Izany ianareo, dia mandrosoa. Izy dia niantso Azy hoe “Elohim, Andriamanitra.” Tokony ho nahafantatra izy; niresaka Taminy izy. Mariho, “Tompo Andriamanitra!” Ankehitriny, ny Anankiray tamin’izy ireo dia Andriamanitra. Ary nijery Azy izy. Fantatr’i Abrahama izany. Jereo eo ankehitriny.

⁹⁶ Nilaza tamiko ny mpitory teny iray indray mandeha, hoy izy hoe, “Rahalahy Branham, tsy te-hiteny amiko ianao hoe ianao dia mino fa, fa io Lehilahy io dia Andriamanitra?”

⁹⁷ Hoy aho hoe, “Abrahama dia nilaza fa izany Izy. Tahaka an’izany no nandikan’ny mpandika rehetra an’izany, sora-baventy T-o-m-p-o. Ary ny olona rehetra izay mamaky ny Baiboly dia mahafantatra fa ny sora-baventy T-o-m-p-o dia Elohim. Avy amin’ilay teny iray ihany, Elohim! ‘Tany amin’ny voalohany, tamin’ny voalohany, Andriamanitra dia namorona,’ Elohim, ny Tsitoha, Anankiray misy amin’ny alàlan’ny Tenany, ‘dia namorona ny Lanitra sy ny tany.’ Io indray Izy, nitsangana teo anatrehany mihitsy.”

Hoy izy hoe, “Eny, fantatralo,” hoy izy, “izany—olona iray fotsiny izany.”

⁹⁸ Hoy aho hoe, “Azo antoka, nihinana hena Izy, nihinana Izy, nisotro ronono, ary Izy—ary Izy—ary nihinana mofo Izy.” Hoy aho hoe, “Azo antoka, Andriamanitra Izy.”

Hoy izy hoe, “Ahoana no hampety an’izany?”

Hoy aho hoe, “Ramosé, ianao—ianaو . . .”

⁹⁹ Izaho—manantena aho fa tsy mandratra ny fihetsehamponareo izy ireo; Vavolombelon’i Jehovah izy ireo. Dia nilaza tamiko izy, hoy izy hoe, “Eny, Atoa. Branham, jereo eto, te-hiteny zavatra aminao aho. Tsy afaka manao an’izany Andriamanitra.”

¹⁰⁰ Hoy aho hoe, “Tsy fantatrao fotsiny ny Andriamanitra. Izay ihany.” Hoy aho hoe, “Avy tamin’ny inona no nanaovana ny vatan’olombelona? Solika, potasy, ary hazavana kosmika, singa enina ambin’ny folo. Ny zavatra tokana tsy maintsy nataon’Andriamanitra mba hidina sy hanadihady an’i Sodoma, dia nilaza Izy...naninji-tànana fotsiny ary naka hazavana kosmika eran’ny tànana sy solika ho Azy, ary ‘Fioo!’ Nanao hoe, ‘Avia eto, ry Gabriela, midira ato.’ Marina izany. Naninji-tànana ary naka vovoka eran’ny tànana iray hafa, ‘Avia eto, ry Mikaela, midira ato.’ Ary nanao anankiray ho an’ny Tenany.” Tsy maintsy naneho zavatra izay haha-izy Azy amin’ny andro farany Izy, noho izany dia nidina avy hatrany Izy ka niresaka tao anatin’nynofon’olombelona. Marina tokoa. Oh, tena faly aho fa izany karazana izany Izy!

¹⁰¹ Indray andro any dia mety tsy hisy na inona na inona tavela akory aza ny amiko. Izaho dia vita avy tamin’ireo singa enina ambin’ny folo ireo, ihany koa. Nibango an’ireo volo roa na telo sisa nananako aho, indray andro. Nijery ahy ny vadiko, ka hoy izy hoe, “Billy, lasa sola loha ianao.”

Hoy aho hoe, “Malala, tsy nahavery ny anankiray tamin’izy ireo aho.”

Hoy izy hoe, “Nanana volo olioly ianao taloha.”

Hoy aho hoe, “Hia, saingy tsy nahavery anankiray tamin’izy ireo aho.”

Hoy izy hoe, “Miangavy aho teneno amiko hoe aiza izy ireo.”

¹⁰² Hoy aho hoe, “Noho izany, malala, teneno amiko hoe avy taiza izy ireo talohan’ny nananako azy ireo. Ary na taiza na taiza no nisy azy ireo talohan’ny nananako azy ireo, dia miandry ahy izy ireo hanatona azy ireo.”

¹⁰³ Amena! Voninahitra! Hoy ny Baiboly hoe, “Tsy hisy volo anankiray amin’ny lohanareo ho levona!” Haleloia! Marina tokoa izany. Tsy nisy izany, kanefa misy izany; ary na dia tsy misy aza izany, amin’izany fotoana izany dia misy. Izany tokoa. Marina tokoa! Solika, hazavana kosmika, kalsioma, potasy, sy ny sisa. Andriamanitra...Rehefa tsinontsinona aho, tsy misy na inona na inona azonareo jerena, lavenona fotsiny, dia hiteny Izy, haleloia, hanakambana an’io potasy sy solika io miaraka, dia ho velona ao amin’Ny Fanatrehany indray aho. Haleloia! Izy no manome antsika Fiainana Mandrakizay. Amena. “Izay rehetra nomen’ny Ray Ahy, dia tsy misy na inona na inona very, fa Izaho hanangana azy indray amin’ny andro farany.” Mino an’izany aho! Amin’ny maha-Taranak’i Abrahama, dia miandry an’io andro io aho! Mitady Tanàna iray aho Izay Andriamanitra no Mpanorina sy Mpanao. Amena. Izany tokoa. Tsy mampaninona na mikentrona sy lasa toy ny ahoana ity, ary mihintsana ny volo, tsy mampaninona izay mitranga, hanangana azy indray Andriamanitra, ao amin’ny

famirapiratan'ny hatanorana indray, amin'ny andro farany. Izy no nampanantena fa Hataony izany, ary mitady an'io Tanàna io aho! Amena. Oh, oadray! Mahatsapa ho tena mpivavaka aho izao ankehitriny izao, mahafantatra, ary io fanantenana voatahy miandry Any io. Mitady an'io Tanàna io aho. Midoboka ho an'Ízany ny foko. Oh, tsy hitodika amin'ny lèlana iray aho, fa hijery mahitsy mankany amin'io Toerana io. Andriamanitra, ampio aho mba hijanona tsara eo, marina ary mahatoky, manipy tadin'aina iray, hatraiza hatraiza, ka hitondra ny mpivahiny trotraka tsirairay izay vitako, handeha.

¹⁰⁴ Eny, nanana fahitana iray ny amin'izany aho vao tsy ela akory izay, ary nahita an'izany, ka nahita an'ireo malalako tany, niverina ho tanora indray. Misy izany. Misy izany. Fantatro fa misy izany! Eny, tompoko! Ankehitriny, efa namaky an'izany angamba ianareo tao amin'ny Christian Business Men's Voice, ary magazina sy ny sisa no namoaka azy. Ry sakaiza, tsy fahitana iray izany. Efa nahita fahitana aho, fantatro, natao ho fantattro hoe inona izy ireo, tamin'ireo an'aliny izay Nomeny ahy. Fa tsy fahitana iray izany. Tany aho, nitsangana tany mihitsy, njery tany aoriana. Ary fantattro fa misy izany. Misy izany, ry sakaiza, misy izany! Fantattro fa misy izany! Eny tompoko! Azo antoka mihitsy tahaka ny itsanganako eto, mianiana aho, raha manana ny saiko tsara aho ka mitsangana eto amin'ity polipitra ity, misy izany! Andriamanitra no nanao ny Fampanantenany, ary marina izany, tena marina izany! Eny, tompoko. Misy izany. Mariho.

¹⁰⁵ Ankehitriny dia mahita isika, nipetraka ireo lehilahy ireo ary nihinana. Ary nitsangana ny roa tamin'izy ireo ka nandeha nidina nankany Sodoma. Ny anankiray nijanona niaraka tamin'i Abrahama. Ndao isika handinika ny resak'izy ireo. Nanohy njery nankany Sodoma izy ireo. Ary fantattr'i Abrahama fa nisy zavatra hafahafa kely mikasika an'izany. Noho izany dia nilaza Izzy, tamin'izay fotoana izay rehefa vonona ny hiainga Izzy, hoy Izzy hoe, "Neverinareo ve fa tokony hanafina amin'i Abrahama Aho; nefo dia izy no ho rain'ny firenena, Fantattro hoe ahoana no hitaizany an'ireo zanany, sy ny sisa; ilay zavatra izay Hataoko?" Hoy Izzy hoe, "Lasa tena mafy ireo fahotan'i Sodoma ka tonga teo an-tSofiny." Nidina Izzy mba hanadihady.

¹⁰⁶ Tsarovy ankehitriny, araka ny nolazaiko indray hariva, ny roa tamin'ireo iraka ireo dia nandeha nidina nankany Sodoma, ary nitory teny tamin'ireo Sodomita ireo izy ireo; ary nanajamba azy ireo tamin'io hariva io, tamin'ny Teny. Fa, tsarovy, nisy Anankiray teo; izy ireo, nanana ny famantarany izy ireo, Vahiny iray teo anivon'izy ireo.

¹⁰⁷ Jereo i Lota. Nipetraka teo amin'ny vavahady i Lota, ka nanao hoe, "Ianareo tompoko." Ary niaina tamin'ny fomba toy izany! Hoy izy ireo hoe, "Midira ato an-tranoko." Hoy izy hoe, "Hatory eny an-dàlambe izahay." Trano iray toy ny inona!

¹⁰⁸ Fa Abrahama vantany vao; hoy izy ireo, “Izao no tanjona ahatongavanay. Mipetraka eto anilanao eto izahay.”

¹⁰⁹ Izany ilay fanao. Miainà tahaka an’izany, ka raha tian’Andriamanitra ny hampiasa anareo, dia Fantany tsara izay hahatongavana hahitana anareo. Ao amin’ny toerana iray ianareo, miaina fiainana madio iray eo anatrehan’Andriamanitra, mahitsy ny teninareo, marina ny fiainanareo. Izany no karazana toerana iray izay ahatongavan’ireo Anjely. Jereo i–i Elizabeta sy Zakaria, hitanareo, mahitsy marina iray, nandeha arak’ireo Didin’ny Tompo rehetra. Tahaka an’izany no tantsika iainana, ka rehefa vonona ny hampiasa antsika Andriamanitra, dia hoy Izy hoe, “Io ny Oloko. Afaka manao amin’io fiangonana io an’izay Tiako atao Aho. Mino Ahy izy ireo. Mifikitra amin’Ny Teniko izy ireo.” Hitanareo, tahaka an’izany no tianareo hatao, miaina ny fiainana.

¹¹⁰ Ankehitriny dia hitantsika fa io Anjely io, hoy Izy hoe, “Tsy hanafina amin’i Abrahama Aho. Fa hamangy anao Aho araka ny andron’aina.” Ary, mariho, Izy tsy niantso azy hoe *Abrama*, Izy dia niantso azy hoe “Abrahama.” Ahoana no Nahafantarany fa efa novaina io anarana io? Izy no Anankiray izay nanova an’izany. Azo antoka. Mariho, tsy niantso mihitsy hoe *Saray*, fantatrareo, S-a-r-a-y. S-a-r-a-h-a, “Aiza ny vadinao, Saraha?” Ahoana no Nahafantarany fa nanambady izy? Ahoana no Nahafantarany fa nanana vady iray izy, ary ny anarany dia Saraha?

Dia hoy Abrahama hoe, “Ao anaty tranolay Aorianao izy.” Tena ramatoa iray toy ny inona!

¹¹¹ Amin’izao andro izao, dia tena sahy ireo vehivavy! Ny tsirairay... Tsy afaka miresaka akory aza ny vadin’izy ireo. Izy ireo no tsy maintsy tonga eo, sigara iray eny an-tanany, manao sorta, manao ny fireshana rehetra. Taranak’olona iray simba toy ny ahoana, tokony ho sefon’ny mpahandro sy mpanasa vilia izy, ny zavatra hafa rehetra! Rehefa miala amin’ny lakozia izy, dia miala amin’ny toeran’andraikiny, marina, amin’ny mahreny iray.

¹¹² Ankehitriny dia mahita isika, ireo vehivavy tamin’izany dia nijanona taoriana ary nitondra tsara ny tenany, nihetsika tahaka ny ramatoa, ny lohan’izy ireo no anankiray izay nandray ny fanapahan-kevitra sy ny sisa.

¹¹³ Ary manandrama mamela lehilahy iray hiteny ny vadiny; hilaza izy hoe, “Homeko anao mba hahazoanao izao ankehitriny izao!” Pfioo! Pfioo! Mamoaka an’io setroka io avy eo amin’ny vavany, mijery toy izany, endrika mahatsiravina toy ny ahoana. Tsy mbola nahita toy izany mihitsy aho! Ary azonareo eritreretina eo, ary mitsangana eo mandinika an’io olona io, mamantatra an’io fanahy ao anatiny ao io, sy ireo zavatra

ireo; ary angamba mihira ao amin'ny antoko mphihira iray ao amin'ny fiangonana iray. Oh, andro iray toy ny inona no iainantsika! Tsy mahagaga raha eo amin'izany andro izany no misy antsika! Izaho—manantena aho fa afaka mahatakatra ny elanelan'andininy izay tiako lazaina ianareo.

¹¹⁴ Mariho, teo izany. Tao anaty tranolay i Saraha, nijanona tao izy ary nitondra tsara ny tenany. Abrahama no nanao ny fikarakarana an'ireo Anjely ireo. Ankehitriny, ary hoy Izy hoe, "Hamangy anao Aho."

¹¹⁵ Dia nihaino i Saraha. Ary nihomehy irery izy, hoy izy hoe, "Izaho, vehivavy antitra iray, antitra tahaka ahy, ary io ny tompekoko fa antitra ihany koa, nefo lazaina ve fa hanana fahafinaretana indray izahay toy ny vady lahy sy vady vavy?" Dia nihomehy izy.

¹¹⁶ Ary ilay Anjely, niaraka tamin'ny Lamosiny nitodika, nanao hoe, "Nahoana no nihomehy i Saraha?"

¹¹⁷ Tsarovy, izany ilay famantarana farany izay ny Taranak'i... na Abrahama izy tenany, izay tandindon'ilay Fiangonana, izany ilay famantarana farany izay azony. Tamin'ireo famantarana hafa rehetra izay azony, dia io no anankiray farany talohan'ny nandravana an'i Sodoma. Marina ve izany? Ilay famantarana farany!

¹¹⁸ Rehefa Israely, ilay taranaka izay nanaraka an'i Abrahama. Ary ireo Samaritana, izay taranaka voaroaka avy tamin'ny karazana mifangaro iray, niandry Azy, na izany aza; hoy izy ireo hoe, "Ny—Jakoba rainay no nanome anay an'ity fantsakana ity," hoy ilay vehivavy tao Sykara. Hitanareo? "Jakoba rainay, izy—izy no nanome an'ity fantsakana ity ho an'i Josefa, zanany, ary—ary nisotro avy tamin'izany izahay, ary nampisotro an'ireo ramevany izy. Nefo ve Ianao dia milaza fa manana rano Ianao, sy ny sisa tahaka an'izany?" Hitanareo? Ary ilay famantarana farany izay azon'ny taranak'Israely, ara-boajanahary, voarainy, dia ilay karazana famantarana iray ihany! Fioo! Tsy afaka mahita an'izany ve ianareo? Eritrereto iray minitra!

¹¹⁹ Ilay famantarana farany izay Abrahama niaraka tamin'ilay fanekena, ilay famantarana farany talohan'ny fandavàna an'ilay fiangonana matimaty, sy ny fandravàna azy, dia ilay famantarana'ny fahitana an'ireo eritreritra ao am-po sy ny saina, Andriamanitra voaseho ao amin'ny nofon'olombelona.

¹²⁰ Ary ilay famantarana farany izay hitan'i Israely talohan'ny namotehana azy, dia ilay zavatra iray ihany. Dia hoy izy ireo hoe, "Belzeboba izany; mpanao hatsarana iray."

¹²¹ Izao no ora! Andriamanitra, aoka hilentika izany! Izao no ora, izay, ilay Taranaka mpanjaka an'i Abrahama! Azonareo ve ilay izy? Andriamanitra voaseho ao amin'ny nofon'olombelona, manome azy ireo ny famantarana farany alohan'ny fandravàna an'ilay matimaty sy ilay fandehanana tahaka ny nataony.

Farany! Famirapiratana farany an'ny fiverenan-dàlan'i Lota!
Aoka hilentika iray minitra fotsiny izany.

¹²² Abrahama, iray; taranak'i Abrahama ara-boajanahary, roa;
Taranaka mpanjaka an'i Abrahama, telo.

¹²³ Diniho, tsy mikasika an'ilay matimaty any ivelany ny Hafatra. Taiza mihitsy aza no nandehanan'Izany nankany amin'izy ireo? Nalefa tany amin'ireo pentekotista, ilay voafidy, ilay voasintona hivoaka.

¹²⁴ Ary tahaka ny nataon'i Isiraely tamin'izany, sivifolo-... Jereo hoe firy, jereo hoe Isiraely firy no nahazo an'Izany. Rehefa tonga ny fotoana niakaran'izy ireo teo, dia nisy roapolo amby zato avy tamin'ny efatra tapitrisa teo.

¹²⁵ Diniho ankehitriny ilay Taranaka mpanjaka. Hitanareo, tsy maintsy tonga ireo intelo ireo, hitanareo, hatraiza hatraiza izay raisinareo. Ny olon'i Hama, Sema, ary Jafeta. Ilay Taranaka mpanjaka an'i Abrahama! Misy an'i Abrahama; ilay taranaka ara-boajanahary; ilay Taranaka mpanjaka. Ny zavatra rehetra! Ilay Taranaka mpanjaka dia amin'ny alalan'i Kristy, amin'ny alalan'ny... Tonga eo amin'ny teny fikasan'i Abrahama izay nomen'Andriamanitra azy tamin'ny alalan'i Kristy isika, ilay Taranaka mpanjaka. Ary io ilay Taranaka mpanjaka, io Fianganon'ny Tompo Jesosy izay Averiny amin'ny andro farany io. Ilay Taranaka mpanjaka! Mariho, izy no nahazo an'io famantarana io! Ary nilaza ilay Taranaka mpanjaka Izy tenany, rehefa teto Izy hoe, "Tahaka ny tamin'ny andron'i Lota, dia ho toy izany koa amin'ny fihavian'ny Zanak'olona." Ilay Taranaka mpanjaka, Taranak'i Abrahama, nantsoina hivoaka; Lota ihany koa, avy amin'ny rahalahiny, matimaty iray, tany Sodoma tany; ary avy eo ny Sodomita, izao tontolo izao. Androany, izao tontolo izao; ilay tontolo ara-pianganana; ary ilay Taranaka mpanjaka. Marina tokoa, mipetraka ara-toerana sy ny zavatra rehetra izy ireo, araka ny lamina marina tokoa. Ary Andriamanitra, niaraka tamin'ny Fampanantenany, dia nidina avy hatrany, naneho an'ilay zavatra iray ihany. Amena. Raha tsy izany no tanteraka, dia tsy fantatra hoe inona ny fahatanterahana. Izany no Soratra!

¹²⁶ Efa niteny tamin'ny fiteny tsy fantatra ianareo, nandihy tao amin'ny Fanahy. Efa nanana an'ireo fahatsapana rehetra izay nanananareo ianareo, nahita an'ireo fahagagan'ny fanasiranana, sy-sy ireo sezamisy kodiarana, sy ny sisa. Efa hitantsika izany rehetra izany. Fa eto, indro tonga ilay famantarana farany izay natao ankehitriny. Nahita an'ireo karazan-javatra rehetra izay nataon'Andriamanitra ho azy hatrany i Abrahama, azo antoka, fa indro tonga ilay famantarana farany, talohan'ny nahatongavan'ilay zanaka nampanantenaina mihitsy. Ary ankehitriny dia miandry Zanaka nampanantenaina iray ilay Taranaka mpanjaka. Haleloia!

Isika ve, miandry Zanaka iray nampanantenaina ve isika? Ilay Zanak'Andriamanitra hiverina! Haleloia! Oh, manao ahy hahatsapa hihiakiaka izany. Jereo! Miandry Zanaka nampanantenaina iray ilay Taranaka mpanjaka. Tahaka ny nataon'i Abrahama nanerana an'ireo taona, niambina, nifikitra tamin'ity Teny ity, dia toy izany koa ilay Taranaka mpanjaka. Ary ilay Taranaka dia miambina an'io fihavian'ny Zanaka io, ny fihavian'ny Tompo, hatramin'ny fiambenana voalohany, fiambenana faharoa, fiambenana fahatelo, nitohy hatrany amin'ny fiambenana fahafito, ary indro isika fa mbola miandry foana an'ilay Taranaka mpanjaka. Ary inona no hitantsika mialoha ny Fihavian'ny Tompo mihitsy? Inona no miseho? Midina eo afovoantsika Andriamanitra, maneho an'ilay Taranaka mpanjaka tahaka ny Nataony tamin'ny taranak'i Abrahama; sy Abrahama, sy ny taranak'i Abrahama, ary indro Izany fa miaraka amin'ilay Taranaka mpanjaka. Andriamanitra monina eo anivontsika amin'ny endrika Fanahy Masina, manao an'ireo zavatra iray ihany izay Nataony tany aoriana tany, manatantekera, maneho fa mitovy ilay izy.

Ary eo amin'ny fikarohana siantifika mikasika an'ilay sary, dia mahafantatra izao tontolo izao, ilay tontolo siantifika dia mahafantatra fa marina izany.

Ny fiangonana dia mahafantatra fa marina izany, manerana an'izao tontolo izao.

¹²⁷ Ary mino aho fa ny Taranaka voafidy mialoha tsirairay dia saiky miditra mihitsy, saiky efa mikatona ny varavarana, ary vonona ny hamely ny fitsarana. Marina izany. Tsy hiady amin'olona mandrakariva Andriamanitra. Hanao ny zavatra rehetra izay Vitany Izy. Fa manatona ny ora, ry sakaiza. Mariho.

¹²⁸ Hanome zavatra iray anareo aho mba hanampy anareo ankehitriny. Tsarovy, inona ilay zavatra manaraka niseho ankehitriny? Talohan'ny nahafahan'izy ireo nahazo an'ilay taranaka mpanjaka, dia tsy maintsy nisy fahagagana iray nitranga tamin'i Abrahama sy Saraha, ara-batana, talohan'ny mety nisian'ny taranaka mpanjaka iray...na talohan'ny nahafahan'ilay taranaka ho teraka. "Ankehitriny, maty tsara mihitsy ny vatan'i Abrahama," ny Baiboly no milaza an'izany. Sa tsy izany? "Ary maty ny kibon'i Saraha," ny Baiboly no niteny an'izany. Ankehitriny dia tsy maintsy nisy zavatra ara-batana niseho talohan'ny nahafahan'ilay taranaka mpanjaka hahazo...nahafahan'ilay taranaka hiseho, ilay zanaka nampanantenaina. Talohan'ny nahafahan'io zanaka nampanantenaina io hiseho, dia tsy maintsy nisy zavatra ara-batana iray niseho tao amin'ny vatan'izy ireo, talohan'ny fisehoan'ilay zanaka nampanantenaina. Diniho izay Nataony. Hanome zavatra kely anareo aho.

¹²⁹ Ankehitriny, eo am-pamakiana ny Baiboly, dia Tantaram-pitiavana iray Izany izay nosoratan'Andriamanitra ho an'Ny Fianganany. Andriamanitra Izany. Andriamanitra dia fitiavana. Mino an'izany ve ianareo? Ary ny Baiboly dia voasoratra mba tsy ahafahan'ny nianatra sy ny manan-tsaina hahazo Azy mihitsy. Tsy maintsy latsa-pitia amin'Andriamanitra ianareo hahazoana Azy. Tsy maintsy manana an'Andriamanitra ao anatinareo ianareo. Izy Tenany no mandika ho anareo.

¹³⁰ Ankehitriny, ilay izy fotsiny dia tahaka ny ananako vady iray. Oh, toy ny ahoana no itiavako azy! Tiako amin'ny foko rehetra izy. Ary ho any ampitan-dranomasina any ho any aho ka izy dia...rehefa avy mampatroy an'ireo ankizy izy, dia hanoratra taratasy iray ho ahy, ka hanao hoe, "Billy malala, mipetraka eto aho izao hariva izao, mieritreritra anao aho. Manoratra aho." Hitanareo, fantatro izay soratany eo amin'ilay taratasy. Saingy fantattro izy ary tiako loatra izy hany ka fantattro mihitsy ny natiory, fantattro ny tiany lazaina, noho izany dia afaka mamaky ny eny anelanelan'ny andalana aho. Hitanareo?

¹³¹ Ary tian'Andriamanitra Ny Fianganany hamaky ny eny anelanelan'ny andalana. Tsy mamaky *zavatra* any ivelan'Izany ankehitriny! Tsy maintsy mamaky ny eny anelanelan'ny andalana ianareo mba hahita an'izay Tiany lazaina. Ankehitriny diniho ka jereo, fantaro raha tsy izany Izy.

¹³² Ankehitriny, izay nataon'Andriamanitra tamin'i Abrahama sy Saraha, Asehony amin'izy ireo, ny ohatry Ny Fianganany. Nataony tamin'izy ireo, Naveriny ho lehilahy sy vehivavy tanora izy roa ireo. Azo antoka, nanao Izy, namerina azy ireo ho tanora indray, tahaka ny Hataony mihitsy amin'ny Taranak'i Abrahama rehetra. Tsy mampaninona na antitra sy trotraka toy ny ahoana aza ianareo, ho avy ny andro iray izay hahalasa anareo ho tanora sy tsara tarehy indray, marina izany, ny famirapiratan'ny fiainana.

¹³³ Nanontany dokotera iray aho vao tsy ela akory izay hoe, "Teneno amiko, tompoko. Isaky ny mihinana aho, dia manavao ny fiainako aho."

Hoy izy hoe, "Eny, tompoko, marina izany."

¹³⁴ Hoy aho hoe, "Ankehitriny, Andriamanitra dia nilaza fa isika dia 'vita avy tamin'ny vovoky ny tany.'"

¹³⁵ Hoy izy hoe, "Marina izany. Ireo legioma sy hena ary ny karazan-javatra izay haninao dia vovoka. Eo no ahazoanao ny potasinao sy ny kalsiomanao ary ny karazan-javatra ao anatin'ny vitaminananao, avy amin'ny tany mihitsy arak'izany no isintonanao an'izany. Ary vita avy tamin'ny vovoky ny tany ianao."

Hoy aho hoe, "Ham. Ankehitriny, tahaka an'izany aloha no namoronan'Andriamanitra azy."

¹³⁶ Hoy izy hoe, “Tsy mahafantatra na inona na inona mikasika an’izany aho, saingy” hoy izy “fantattro fa raha mihinana sakafo ianao ankehitriny dia izany no manorina ny vatanao.”

¹³⁷ Hoy aho hoe, “Manontany anao aho.” Hoy aho hoe, “Noho izany dia manontany ahy ve ianao mikasika ny fahaterahana ara-virijiny?”

Hoy izy hoe, “Eny, tompoko, manontany aho.”

¹³⁸ Hoy aho hoe, “Te-hanontany zavatra aminao aho, dokotera. Azavao amiko izany.”

¹³⁹ Hoy izy hoe, “Eny, ny zavatra rehetra izay tsy azo porofoina ara-tsiansa dia tsy marina.”

¹⁴⁰ Hoy aho hoe, “Haka an’ilay lafiny mifanohitra aho, hoe ny zavatra rehetra izay voaporofa ara-tsiansa dia tsy marina, tsy misy na inona na inona amin’izany.” Dia hoy aho hoe, “Ireo tena zavatra tokana izay misy amin’ny fiainana dia ireo zavatra izay tsy azo porofoina ara-tsiansa: fitiavana, fifaliana, fiadanana, fahari-po, fahalemem-panahy, faharetana, finoana. Hanaporofa an’izany amiko ara-tsiansa ve? Kanefa zava-misy izany! Andriamanitra, ny Fanahy Masina, ireo Anjely!” Amena! “Ny finoana no manao an’ireo zavatra ireo. Ny zavatra rehetra izay hitanao dia avy amin’ny tany, avy amin’ilay tany reny, miverina tahaka an’izany.” Hoy aho hoe, “Te-hanontany zavatra aminao aho. Fony aho enina ambin’ny folo taona, dia nihinana an’ilay sakafo iray ihany izay haniko izao ankehitriny izao aho. Nihinana tsaramaso aho, ovy, sy mofo, ary hena. Ary isaky ny mihinana aho, dia lasa goavana kokoa sy matanjaka kokoa.”

Hoy izy hoe, “Azo antoka, nanavao ny fiainanao ianao.”

¹⁴¹ Hoy aho hoe, “Nahoana ilay izy, taorian’ny nihoarako teo amin’ny roa amby roapolo taona teo, ny olon-kafa iray, tsy mampaninona na firy no haninao, dia lasa miha-malemy sy miha-antitra ianao? Eritrereto izany.” Hoy aho hoe, “Manana sinin-drano iray aho eto, ary manana vera iray; ary nanomboka nandraraka rano avy tao amin’ity sinin-drano goavana feno ity aho nankao amin’ity vera ity, ary manomboka feno izy hany ka lasa feno tapany; ary avy eo dia tsy misy na inona na inona mihitsy eto, arakaraka ny andrarahako, no ihenany bebe kokoa. Tsy mampaninona na firy no haninao, tsara toy ny ahoana; mihinana tsaratsara kokoa noho izaho taloha aho ankehitriny, in-jato tsaratsara kokoa.”

¹⁴² Fantattro ny hoe inona ny mitsako hodi-kena mandritry ny hariva manontolo, sy mihinana mofo katsaka ho an’ny sakafo maraina miaraka amin’ny menaka sorgho, ary ilay zavatra iray ihany ho an’ny sakafo atoandro sy sakafo hariva, ihany koa. Fantattro hoe inona ny miaina sarotra, ary ankehitriny dia afaka mihinana tsaratsara kokoa aho. Isaorana ny Tompo. Fa tsy mampaninona na firy no haniko, mbola lasa miha-malemy sy miha-antitra foana aho. Ary amin’ny farany dia ho maina

sy ho faty aho. Nahoana? Nahoana? Fifamotoana iray izay nataon'Andriamanitra izany. Marina izany. Eny, tompoko.

¹⁴³ Ary mariho i Abrahama sy Saraha, niverina ho roa amby roapolo na dimy amby roapolo taona teo izy ireo.

¹⁴⁴ Oh, hoy ianareo, “Fahadalana, Rahalahy Branham!” Eny àry, ankehitriny dia mipetraha tsara iray minitra fotsiny, ndao isika hamaky ny elanelan’ny andalana indray mandeha.

¹⁴⁵ Taorian’ny nialan’ireo Anjely ireo avy hatrany, ka nodorana i Sodoma, dia nanao dia lava hatrany Gerara mihitsy i Abrahama sy Saraha. Tena dia iray ho an’ny mpivady antitra iray izany. Refeso izany eo amin’ny saritaninareo. Nandeha hatrany Gerara izy ireo. Ary indro i Saraha ankehitriny, nenibe, sivifolo taona, nanao bonetra kely miaro amin’ny masoandro, mangovitra. Ary Abrahama niaraka tamin’ny volombavany nihantona nidina. Hoy ny Baiboly hoe, “Samy azon-taona tsara izy roa.” Aza miezaka milaza fa ela velona izy ireo. Ary hoy ny Baiboly hoe, “Samy maty ny vatan’izy roa, azon-taona.” Ary indro izy ireo mandeha mankany Gerara. Ary nisy mpanjaka tanora iray tany nantsoina hoe Abimeleka, ary nitady malala iray izy, ka rehefa nahita an’i Saraha izy dia latsa-pitia taminy. Marina ve izany? Nenibe?

¹⁴⁶ “Nahoana, ianao no tsara indrindra!” Hoy Abrahama hoe, “Tsara tarehy ho jerena ianao.” Amena. “Miangavy anao aho, teneno izy fa ianao dia—dia anabaviko.” Haleloia! Nasehony tany izay Hataony ho an’ny Taranak’i Abrahama rehetra. Saraha dia tsara tarehy. Abrahama dia tanora. Toa reko Abrahama manao hoe, “Saraha, malala, mba fantatrao moa, eo am-pialana amin’ny volonao ilay fotsy.”

¹⁴⁷ “Abrahama, eo am-pialana amin’ny lamosinao ilay trafo. Eo am-pahitsiana ianao.” Niverina ho lehilahy tanora sy vehivavy tanora izy ireo. Andriamanitra, naneho! Oh, oadray!

¹⁴⁸ Ary latsa-pitia taminy i Abimeleka, ka nandeha ary naka azy, hanambady azy. Toa hitako izy nandro, ary nanao ny akanjomandriny, sy namoaka ny rantsan-tongony, rehefa avy nanao ny fivavahany, ka nanao hoe, “Hanambady an’io zato taona tsara tarehy io ve aho rahampitso”? Mahatsikaiky! “Io zazavavy Hebreo tsara tarehy io! Oh, ny anadahiny, io lehilahy tanora io! Ary tsara tarehy toy ny ahoana izy!”

¹⁴⁹ Dia niseho taminy tao amin’nynofy iray Andriamanitra, ka nanao hoe, “Lehilahy iray maty tsara mihitsy ianao.”

Hoy izy, “Tompo, nahoana izany?”

Hoy Izy hoe, “Vadin’ny lehilahy iray io.”

¹⁵⁰ Hoy izy hoe, “Fantatrao ny fahitsian’ny foko, Tompo. Izy no nilaza hoe, ‘Anadahiko io.’ Ary izy nilaza hoe, ‘Anabaviko io.’”

¹⁵¹ Hoy Izy hoe, “Eny, Fantatrao ny fahitsian’ny fona, izany no antony Nanakanako anao tsy hanota Amiko.” Fa henoy!

“Fa maty tsara mihitsy ianao, ary vita ny amin’ny firenenao manontolo. Mpaminaniko ny vadiny. Tsy Ahoako na masina toy ny ahoana aza ianao, impiry no ivavahanao, tsy hihaino ny vavakao Aho. Fa mpaminany iray ny vadiny! Mandehana, ento miverina ny vadiny ka aoka izy hivavaka ho anao. Raha tsy manao ianao, dia ho faty.” Haleloia!

¹⁵² Inona izany? Andriamanitra manomana an’i Saraha sy Abrahama hahazo an’ilay zanaka nampanantenaina. Maneho fa ny zavatra manaraka aorian’ny fanehoan’io Anjelin’Andriamanitra io, ny Fanahy Masina maneho ny Famantarany farany, ny zavatra manaraka, dia hitafy ny tsy mety maty ity mety maty ka hakarina eny amin’ny habakabaka isika hitsena an’ilay Zanaka nampanantenaina, Taranaka mpanjaka an’i Abrahama. Voninahitra ho an’Andriamanitra! Haleloia! “Fa hovaina vetivety isika, ao anatin’ny indray mipi-maso, ka hakarina miaraka hitsena Azy eny amin’ny habakabaka. Noho izany dia hijaraka Aminy mandrakariva isika, ilay Zanaka nampanantenaina.” Haleloia!

¹⁵³ Oh, izaho tsy ho tonga... Izaho dia... Rahampitso hariva angamba no halaiko ny toko faha-22, hitanareo.

¹⁵⁴ Oh, tiako izany, ary ianareo? Tena faly aho, ireo zavatra rehetra ireo! Feno poti-bolamena tsara fotsiny ny Baiboly. Atsory fotsiny ny tanana dia alaivo izy ireo, esory amin’izy ireo ny vovoka dia jereo izy ireo. Maneho an’i Jesosy Kristy ny tsirairay avy amin’izy ireo, ny olona tsirairay, satria tao Aminy no nonina ny fahafenoan’Andriamanitra. Ao Aminy, no tondroin’ny zavatra rehetra. Ny zavatra rehetra manomboka amin’ny Testamenta Taloha dia nanondro ny hazo fijaliana; ary ao amin’ny Testamenta Vaovao, dia manondro mankany amin’ny hazo fijaliana indray. Marina izany. Ao daholo izany. Oh!

Isaorana anie ilay tady izay mamato tra
Ny fontsika ao amin’ny fitiavana Kristiana;
Ilay fiombonan’ny firaisan-tsaina
Dia mitovy amin’ilay any Ambony.

¹⁵⁵ Toy ny ahoana no itiavako Azy! Toy ny ahoana no itiavako hahita Azy! Toy ny ahoana no aniriako sy iandrasako an’ity vatana antitra, torotoro, vaky fo, trotraka ity hovaina amin’ny iray amin’ireo maraina! Hotsofina ny trompetra ka hitsangana ny maty ao amin’i Kristy. Hakarina miaraka amin’izy ireo isika, hitsena ny Tompo eny amin’ny habakabaka.

¹⁵⁶ Toy ny ahoana no nampisotroan’i Rebeka an’io rameva io tamin’ny hatsiatsiakan’ny hariva. Tsy ny maraina no nahitan’i Eliezera azy. Tsy nahita azy tamin’ny mitataovovanana mihitsy izy; tao amin’ny hazavan’ny hariva no nahitany azy. “Hisy Hazavana amin’ny andro hariva!” Marina! Teo no nahitany azy. Nanarona ny tavany izy. Tsy nanana loha izy; nandeha nankany amin’ny lohany izy. Amena. Ny vehivavy iray, izany no

natiorang, an'ny vehivavy iray, mahafoy tena ho an'ny lehilahy iray. Ary natioran'ny fiangonana ny mahafoy tena ho an'i Kristy, mahafoy tena ho an'ny Sitrapony. Mahafoiza tena fotsiny! Tsy nanana fiheverana ny aminy manokana izy; raisiny Ny Teniny, fa tsy ny an'olon-kafa. Raha nanao an'izany i Eva, dia tsy voatery ho faty mihitsy isika; fa nihaino an'ireo fandanjalanjana izy. Fa ny tena Ampakarin'i Kristy dia mandray ny Maha-loha an'i Kristy, ny Teny, ary mino ny Tenin'Andriamanitra irery ihany. Izany no tena Ampakarina, naverina. Haleloia! Saiky izao no ora, ry sakaiza, tara noho izay heverinareo izao. Eo amin'ny andro hariva isika. Eto ny Fanahy Masina izao hariva izao. Fantattro fa vondrona kely, bitika iray izany.

¹⁵⁷ Hieritreritra ianareo hoe, “Oh, raha zavatra tahaka an’izany no hitranga, dia haneho an’izany any Roma Andriamanitra, amin’ireo eveka sy amin’ireo papa. Hanatona an’ilay eveka Metodista Izy. Handeha hankao amin’ny seminera Batista Izy. Izy dia...” Hia, izany no eritreretinareo. Fa tsy tahaka an’izany mihitsy no Nanaovany azy.

¹⁵⁸ Manatona an’ilay fo manetry tena Izy, ireo izay mitady Azy. Ary eto Izy izao hariva izao, ny Fanahy Masina, Andriamanitra, ilay Anjely iray ihany; eto eo anatrehan’ireo siantifika, manaporofa, io Izy miaraka amin’ny Sariny nalaina. George J. Lacy, ilay lehiben’ny antontan-taratasin’ny dian-tanana an’ny FBI, hoy izy hoe, “Ilay Hazavana no namely ny fitaratra boribory.” Hoy izy hoe, “Atoa. Branham, efa imbetsaka no nilazako fa psykolojia ilay izy, hoe namaky ny fisainan’ireo olona ireo ianao. Saingy” hoy izy “tsy haka psykolojia ny maso mekanikan’ity fakan-tsary ity. Ilay Hazavana no namely an’ilay fitaratra boribory. Teo Izany!” Io Izany. Ny anankiray amin’izy ireo dia mihantona any Washington, DC, tsy azo adika, “Ilay Vatana ivelan’ny voajanahary tokana hany nalaina sary sy voaporofo ara-siantifika.”

¹⁵⁹ Nahoana? Raha maty aho izao hariva izao, raha tsy hiditra amin’ity polipitra ity intsony aho rahampitso hariva, dia Fahamarinana ireo teniko. Satria, tsy teniko izany, ny Azy izany. Tsy nilaza mihitsy aho hoe “ny tenako.” Tsy izaho izany. Tsy afaka manao na inona na inona aho. Olona iray tahaka anareo aho, mpanota iray novonjena tamin’ny fahasoavana. Fa Andriamanitra, amin’izao andro farany izao, no nampanantena an’ireo zavatra ireo, ary indro izy ireo! Ny Teny izany. Raha tantara foronina iray izany, dia mety ho hafa. Fa izany no Teny manaporofa ny Teny amin’ny alalan’ny Teny, voamarina, ny Baiboly hatramin’ny farany. Nohamarinin’ireo siantifika! Nohamarinin’ny Fanahy! Nohamarinin’ny fiangonana! Andriamanitra eo afovoantsika! Haleloia. Tena faly ny amin’izany aho. Tsy faly ve ianareo, omaly hariva, ianareo izay nitsangana ka naka an’izany toerana izany? Nanao anareo hahatsapa ho hafa ve izany? Hanao

foana izany, rehefa manohana ny Tenin'Andriamanitra ianareo. Tohano Kristy! Aza menatra an'Izany.

Ndao isika hivavaka.

¹⁶⁰ Misy anankiray ve ato izao hariva izao te-hanangana ny tànanareo vetivety fotsiny ankehitriny, ka hanao hoe, "Rahalahy Branham, tsarovy ao amin'ny vavakao aho. Izaho dia, tena maniry mafy ny ho anankiray amin'ireo Taranak'i Abrahama aho. Izaho—tsy te-ho diso ny Lanitra aho. Mivavaha, Rahalahy Branham. Isan'andro tao amin'ny foko ambany tao dia tsapako fa nisy zavatra izay notratrariko. Tsy afaka nahatratra an'ilay izy mihitsy aho. Mivavaha ho ahy, Rahalahy Branham, mba hanomezan'Andriamanitra ahy an'izany"? Andriamanitra hitahy anareo. Jereo fotsiny ireo tànana, hatraiza hatraiza, mitsangana.

¹⁶¹ Ahoana ny amin'ny eny ambony rihana? Ankehitriny, tsarovy, lehibe tahaka Azy eto ambany eto mihitsy Andriamanitra eny ambony rihana.

¹⁶² Tso-po marina tokoa ve ianareo, hentitra amin'izany ve ianareo? Atsangano ny tànanareo. Andriamanitra hitahy anareo. Mandinika vetivety fotsiny aho. Manohiza mivavaka fotsiny, hazony miondrika ny lohanareo.

¹⁶³ Ny mpanota iray ato izao hariva izao izay te-hanangana ny tànany, manaova hoe, "Tsarovy aho, Tompo. Tsy manangana ny tànako amin'io mpitoky teny io aho; manangana ny tànako Aminao aho. Mino marina tokoa aho fa velona Ianao androany, hoe tsy maty mihitsy Ianao; hoe rehefa maty Ianao, dia nitsangana indray Ianao, raha ny marina. Ary velona mandrakizay Ianao, ilay tsy miova omaly, anio, ary mandrakizay. Manangana ny tànako Aminao aho, satria mino aho fa eto Ianao"? Atsangano ny tànanareo, manaova hoe, "Tsarovy aho, Tompo." Manohiza mivavaka fotsiny. Manàna finoana an'Andriamanitra.

Mpiverin-dàlana iray ve, arak'izany? Andriamanitra hitahy anareo. Hitany ny tànanareo.

¹⁶⁴ Ry Rainay any An-danitra, Hitanao ireo tànana ireo. Fantatrao izay ao ambadik'izy ireo. Hoy Ianao hoe, "Nivoaka ny mpamafy iray namafy Voa. Ny sasany nilatsaka teny amordon-dàlana, tsy nahavita soa; ny sasany nilatsaka teny amin'ny tany nisy vato; ny sasany teny amin'ny tsilo; ny sasany nitombo avo zato heny." Tompon'andraikitra amin'ny famafazana Voa fotsiny ihany ilay mpamafy. Aoka ny Fanahy Masina haka an'io Voa io izao ankehitriny izao. Tompo, izahay... Izaho—mino aho, Tompo, izahay...

¹⁶⁵ Tsy misy olona mahafantatra hoe rahoviana no ho tonga Ianao. Tsy fantatray izany. Hoy Ianao hoe, "Na dia ireo Anjely aza tsy hahafantatra; ny Ray irery ihany." Nanambara Jesosy fa tsy nahafantatra Izzy. "Ny Ray irery ihany."

¹⁶⁶ Ankehitriny, Ray, mivavaka aho raha misy ato ireo izay nanangana ny tànany, mino aho fa hentitra amin'izany izy ireo. Misy Zavatra ao ambadik'izy ireo, izay, Fanahy iray, izay niteny tamin'izy ireo mba hanangana ny tànany, ary nataon'izy ireo izany. Tso-po izy ireo. Angamba izao no fotoana voalohany hany Nitenenanao tamin'izy ireo, ary mety ho fotoana farany izany. Angamba efa niteny Ianao tamin'ireo fotoana hafa, ary tsy hiteny intsony indray. Tsy fantattro. Fa, Ray any An-danitra, mivavaka aho mba Hanekena ny famonjena ho an'ny tsirairay avy izay mino.

¹⁶⁷ Aoka ho entina am-panajana eo anatrehan'ny olona Ny Anaranao Masina. Enga anie haparitaky ny Fanahy Masina ao anatin'ny fo tsirairay ny Fitavananao. Tahio ireto rahalahy mpitoriteny ireto, Tompo. Ireto lehilahy sarobidy ireto izay, eo afovoan'ny fifanoherana, nanasa ahy izy ireo, na ahoana na ahoana. Tahio ireo olona izay manatrika.

¹⁶⁸ Tsy te-hirehareha aho, tsy te-ho hafa aho, Tompo; mahatoky fotsiny. Ary izany no zavatra tokana izay Hekenao, dia ny fahamarinana izay ao anatin'ny olona iray, satria Ianao no Fahamarinana. Mihainoa ankehitriny, Ray, mivavaka aho. Ekeo ho azy ireo izao hariva izao mba ny maro amin'izy ireo eto, izay tsy nanangana ny tànany angamba, no ho voavonjy, na ahoana na ahoana. Ekeo izany, amin'ny Anaran'i Jesosy. Amena.

¹⁶⁹ Ankehitriny raha mipetraka am-panajana vetivety fotsiny isika. Mino aho fa tara kely fotsiny isika mba hanana an'ilay laharam-bavaka, fa hanana an'izany isika. Ny olona tsirairay, rehefa ianareo...ianareo, raha manana karatra iray ianareo, dia hazony ny karatrareo. Raha tsy manana karatra iray ianareo, dia makà anankiray. Izahay dia...Raha tsy maintsy hijanonana eto dimy andro amboniny izahay, dia hivavaka ho an'ny tsirairay avy amin'izy ireo. Marina izany.

¹⁷⁰ Miezaka mitondra Hafatra iray ho an'ny olona fotsiny aho. Miezaka aho ny hitondra anareo hahita an'ilay tena... Raha sitrana ianareo; angamba, raha ela velona ianareo, dia harary indray ianareo indray andro any. Fa raha hany voavonjy ianareo, dia manana Fiainana Mandrakizay. Hitanareo? Afaka ho sitrana ianareo, ary hanohy ny lâlanareo ka hahavery ny famonjenareo...afaka hahavery ny ainareo ianareo, raha ny marina; fa rehefa voavonjy ianareo, dia manana Fiainana Mandrakizay amin'izay fotoana izay, mba tsy harary intsony.

¹⁷¹ Manontany aho raha azonareo izay noresahako izao hariva izao, hoe niseho tamin'i Abrahama sy Saraha Andriamanitra tany, ary nanome azy ireo an'ilay famantarana farany, io Anjely io, izay talohan'ny nahatongavan'ny fandravàna sy nanomezana an'ilay zanaka nampanantenaina. Ho an'ilay Fiangonana, izany, io famantarana io, dia ilay Zanaka ho avy. Ho an'izao tontolo

izao, dia fandravàna izany. Ankehitriny, izay Nataony ho an'i Abrahama sy izy ireo dia ohatra.

¹⁷² Tonga teto an-tany Jesosy, ilay Taranaka mpanjaka an'i Abrahama, ary nanao an'io famantarana iray ihany io. Firy no mahafantatra fa marina izany, manao hoe "Amena." [Hoy ny fiangonana hoe, "Amena."—Mpand.] Azo antoka. Ary nolavin'izy ireo izany. Marina ve izany?

¹⁷³ Ankehitriny, tsy nanao an'izany tamin'ireo Jentilisa mihitsy Izy, satria tsy mbola nivoaka ilay Taranaka mpanjaka, tsy mbola teraka ilay Fiangonana. Fa rehefa teraka ilay Fiangonana, ary efa nanana roa arivo taona izany ankehitriny, eo amin'ny mihitsy... Tsarovy, teo amin'ny fiafaran'ny fiandrasan'i Abrahama izany. Izany no fiafaran'ny fiandrasan'ilay taranaka ara-boajanahary ny Mesia, satria teo ny Mesia.

¹⁷⁴ Izao no fiafaran'ny fiandrasan'ilay Taranaka mpanjaka. Eto Izy, ny fisehoan'i Kristy. Ianareo ve efa mba nanandrana nizara... Misy toerana iray ao amin'ny Baiboly, fantatrareo, tsy manam-potoana hidirana amin'izany aho, manao hoe "ny fisehoan'i Kristy," ary avy eo "ny Fihavian'i Kristy." Izany dia zavatra anankiroa samihafa, daholo, ny "fisehoana" sy ny "Fihaviana." Miseho Izy ankehitriny, miasa miaraka amintsika amin'ny endrika Fanahy Masina, manao azy ho tanteraka mihitsy, ilay Fiangonana. Tsy maintsy Izy.

¹⁷⁵ Ohatra hoe raha manana ravim-bola dolara iray ianareo ao am-paosinareo, avohay izany ka jereo. Eo amin'ny lafiny iray dia ilay tombokase Amerikana; eo amin'ilay lafiny hafa dia tombokase Egyptiana iray, ilay pyramida miaraka amin'ny vatotendro eo amin'ny tendrony ambony, tahaka ny maso iray mijery. Ary nahoana ny dolara Amerikana no nametraka teo ambany teo hoe, "Ilay tombokase lehibe"? Toy ny hoe ilay tombokase Amerikana no ho ilay tombokase lehibe eto. Fa ny Governemantan'i Etazonia dia manaihy an'izany na tian'izy ireo na tsia, ho ilay tombokase lehibe.

¹⁷⁶ Diniho io pyramida io raha miforona izy, ilay Fiangonana. Fanamarinana, fanamasinana, batisan'ny Fanahy Masina, ary tsy maintsy nokapaina izany rehefa... Tsy tonga teo amin'ny pyramida mihitsy ilay Vatotendro, nolavina Izany, tahaka an'ilay Vato fehizoro mihitsy. Ankehitriny, fa rehefa tonga io Vatotendro io... Efa tany amin'ilay pyramida aho; voapetraka tanteraka mihitsy izy, tsy afaka manatsofoka hareza fiharatra eo anelanelany ianareo, eo amin'izay misy ny feta. Ary rehefa tonga ilay Fiangonana, izany dia... Rehefa tonga Kristy mba handray Ny Fiangonany, dia hanana an'ilay asam-panompoana tahaka an'izany marina tokoa ilay Fiangonana, ary amin'ny alàlan'izany fahasoavana izany no hananganany ny zavatra manontolo, avy eo dia handeha. Ny fihavian'ilay Vatotendro; miantsoantso hoe, "Saotra, ho an'ny Tompo!"

¹⁷⁷ Manana zavatra iray aho ato an-tsaiko. Haleloia! Mbola Andriamanitra foana ny Andriamanitsika. Manambara an'ireo Tsiambaratelony amin'ireo Mpanompony Izy. Niresaka ny amin'ny Anjely iray izay nanatodika ny Lamosiny nankany amin'ilay tranolay aho, ary nanatodika ny Lamosiny nankany amin'ilay tranolay, ka nilaza an'izay noeritreretin'i Saraha tao anatiny. Milaza mialoha aho fa eto io Anjely io ankehitriny, ny Fanahy Masina, ilay Andry Afo iray ihany, ilay Anankiray ihany izay tao amin'i Kristy. Ilay Andry Afo no nitarika an'ireo zanak'Israely. Ilay Andry Afo no tonga nofo ka nonina teto anivontsika. Hoy Izy hoe, "Avy tamin'Andriamanitra Aho, mankany amin'Andriamanitra."

¹⁷⁸ Taorian'ny Fahafatesany, fandevenany, fitsanganany, fiakarany, dia nihaona tamin'i Saoly teny amin'ny lalana nankany Damaskosy Izy. Ary Hazavana iray no nanjera azy. Dia hoy izy hoe, "Tompo, Tompo!"

¹⁷⁹ Hoy Izy hoe, "Saoly, Saoly," aloha. "Iza no . . . Nahoana ianao no manenjika Ahy?"

Hoy izy, "Iza moa Ianao, Tompo?"

Hoy Izy hoe, "Izaho no Jesosy." Lasa niverina!

¹⁸⁰ Indro eto Izy izao hariva izao, voaporofon'Ny Fiagonany, ara-siantifika sy ny rehetra! Oh, ry sakaiza, nahoana isika no tena donto? Nahoana isika no mipetraka tena sasatra? Aoka ilay—aoka ilay Andriamanitra izay niteny ny Teny, aoka ilay Andriamanitra izay . . . Tahaka ny nolazain'i Elisa, izay niverina niaraka tamin'ny ampanahan-droa an'i Elia, namalona an'ilay kapôty, ka nanao hoe, "Aiza ny Andriamanitr'i Elia?" Aoka ilay Andriamanitra izay nanoratra ny Teny, hanamarina ny Teny! Raha Ity No Teniny, dia aoka Izy hanohana Azy! Izy no nampanantena hanao an'izany. Hataony izany raha mino an'izany isika.

¹⁸¹ Ankehitriny dia mamelà ahy hampahafantatra an'izao mazava tsara. Tsy izaho io Olona io. Mpanompo iray an'io Olona io aho. Ary ianareo dia izany, ihany koa, raha Taranak'i Abrahamia ianareo.

¹⁸² Fa, izaho dia mitory Ny Teniny, ary mitsangana ao amin'ny andro izay nandàvan'ny anaram-piangonana tsirairay ahy, nandroaka ahy nitety toerana ireo rafi-pandaminana. Ary ireo rahalahy sarobidy fotsiny izay tao anatin'ireo rafi-pandaminana, izay mahita an'ilay Hazavana, no hifikitra eo amin'Izany tsy mampaninona izay lazain'ireo foibe. Andriamanitra anie hitahy an'ireo lehilahy tahaka an'izany. Andriamanitra anie hitahy an'ireo vehivavy sy lehilahy izay nitsangana omaly hariva. Inona no azoko hatao ho anareo? Mangataha zavatra amiko. Angataho amiko izay hatao, fa hanao ny zavatra rehetra izay vitako ho anareo aho. Vahoakan'Andriamanitra ianareo. Ny lehilahy na vehivavy iray

izay haka toerana tahaka an'izany, eo afovoan'ny fifanoherana, dia manana fanajana betsaka anareo aho.

¹⁸³ Ankehitriny raha io Anjely io... Ao amin'ny Tenin'i Jesosy Kristy dia izao no voalaza mialoha, hoe mialoha indrindra ny fihavian'ny Zanak'olona, hoe ilay zavatra iray ihany izay niseho tany Sodoma dia hiseho ao amin'ilay Fianganana, dia aoka Izzy ho tonga eo amin'ny sehatra.

¹⁸⁴ Hanodina ny lamosiko aho. Aondreho ny lohanareo ka mivavaha. Tsy ho nilaza an'izao velively aho raha tsy nahatsapa ho voatarika hanao an'izany. Ho adala aho amin'ny fanaovana filazana iray tahaka an'izany. Fa, mino an'i Kristy ilay Zanak'Andriamanitra, mino fa Izzy no Teny! Ary ny Teny dia natao zava-misy ao amin'nynofontsika, rehefa mandray ny Teny isika, satria izany no Fampanantenany hoe, "Ho ao anatinareo Aho hatramin'ny fahataperan'izao tontolo izao, ka ireo asa izay Ataoko no hataonareo koa."

¹⁸⁵ Nanatodika ny lamosiko nankany amin'ny mpanatrika aho, Ray any An-danitra, izay avy notoriako, teo amin'ity Hafatra ity. Mivavaka Aminao aho, Andriamanitra, aoka ho fantatra izao hariva izao fa mbola Jesosy Kristy ilay Zanak'Andriamanitra foana Ianao, ary mbola Jehovah Andriamanitra foana Ianao. Ianao no tsy miova omaly, anio, ary mandrakizay. Ary Ianao no niresaka tamin'i Abrahama tany tamin'io andro io teo amin'ny tranolay. Ianao no afaka namantatra an'izay noeritreretin'io vehivavy io tao anatin'ny tranolay, ka niteny taminy. Ary teo no ho eo, dia nolaviny izany, ho nanala ny ainy Ianao, saingy ampanhan'i Abrahama izy, ny ampakariny. Tompo, ho nanala ny ainay Ianao, nohon'ny tsi-finoanay, saingy ampanhan'i Kristy izahay. Ianao tsy afaka nahazo, naka an'i Saraha nefo tsy nandratra an'i Abrahama. Ary Ianao tsy afaka haka an'ilay Fianganana miaraka—nefa tsy mandratra an'i Kristy. Ampio aho, Tompo. Tsy manana fianarana aho. Izaho fotsiny dia... Tompo, tsy manana na inona na inona aho, saingy mino Anao fotsiny. Ary mino aho. Ampio aho, Tompo.

¹⁸⁶ [Miteny amin'ny fiteny tsy fantatra ny anabavy iray, mandika ny anabavy iray hafa—Mpand.] Amena. Ho an'ilay Andriamanitra velona ny saotra. Ankehitriny, manatrika Izzy. Aoka hanaja, manajà.

¹⁸⁷ Afaka manatraka ny lohanareo ianareo raha tianareo. Ankehitriny tsy hoe fotsiny... Hitanareo, ny Baiboly dia milaza fa ny fitenenana amin'ny fiteny tsy fantatra dia mampandroso ny tenanareo fotsiny, raha tsy hoe misy fandikana iray. Ary raha ny fandikana, faminaniana ho an'ilay Fianganana izany. Ary ny fomba nahazoako an'izany fandikana izany arak'izany, dia hoe "Minoa ny Tompo, fa Izzy no nandefa ny Teny." Ary noho izany dia tsy tonga amin'ny anarako manokana mihitsy aho, tonga amin'Ny Anarany aho. Ary ireo Asany

izay Hataony amin'ny alàlako arak'izany, amin'ny fitoriana Ny Teniny sy fanamarinana Ny Teniny. Izany tokoa. Mino an'izany aho. Mino an'ilay zavatra iray ihany ve ianareo? Firy no mino an'izany ankehitriny, alohan'Izy...? Andriamanitra hitahy anareo. Ankehitriny, tahaka an'izany no, tahaka an'izany ilay izy. Hazony izany fifandanjana izany dia hahita zavatra hitranga ianareo.

¹⁸⁸ Hanodina ny lamosiko mankany amin'ny mpanatrika aho, satria izany no Fanahy Masina vao avy nijoro vavolombelona ny amin'izany. Hitanareo? Aoka hatanjaka ary inona no hatao. Ankehitriny dia minoa ianareo ao amin'ny mpanatrika eo, olona iray. Tsy misy olona iray izay mety hitako... Firy eo no marary sy ory, na mitondra olona iray izay ory, na zavatra hafa izay ivavahanareo, ka fantatrareo fa tsy mahafantatra na inona na inona mikasika an'izany aho, atsangano fotsiny ny tånanareo. Eny, ataoko fa saiky hatraiza hatraiza ilay izy. Eny, ndao isika hino fotsiny ankehitriny. Aza, aoka tsy hisy olona handeha, omeo ahy fotsiny... Izao dia—amin'ny folo latsaka roa ambin'ny folo minitra izao. Omeo roa ambin'ny folo minitra aho, sitrakareo ve? Aoka tsy hisy olona hihetsiketsika. Aoka tsy hisy olona handeha, mihitsy. Tena mipetraha tsara mihitsy ankehitriny. Indray mandeha fotsiny, sokafy ny fonareo.

¹⁸⁹ [Miteny amin'ny fiteny tsy fantatra ny rahalahy iray, mandika ny rahalahy iray hafa—Mpand.] Amena. Misaotra Anao, Tompo, misaotra Anao. Am-panajana no anajanay an'izany amin'ny fonay rehetra. Fanomezam-pahasoavana iray ao amin'ilay Fianganana izany. Aoka hivavaka fotsiny, am-panajana.

¹⁹⁰ Tsarovy, nandeha tany amin'ny ady izy ireo indray mandeha, tsy fantatr'izy ireo hoe ahoana no hiatrehana an'io ady lehibe io. Nitsangana teo i Davida, ary nizara ampanhan-kena sy divay iray siny tamin'izy ireo. Fa nilatsaka teo amin'ny lehilahy anankiray ny Fanahy, ka naminany izy ary niteny tamin'izy ireo hoe aiza no hihaonana amin'ny fahavalox, ary tahaka an'izany ilay izy.

¹⁹¹ Mihaona amin'ny ady lehibe iray isika, rahalahy. Ary mitsangana ao anatin'ny ady lehibe iray isika ankehitriny. Nilatsaka ny Fanahy ary, teo amin'ny olona iray, ary niteny taminareo fotsiny an'izay hatao, mba "hino." Miezaka Izy ny hanala ny fisainanareo hoe izaho izany. Hitanareo? Tsy maintsy mieritreritra ny sasany aminareo fa Rahalahy Branham no miezaka manao zavatra. Tsy izaho izany; Izy izany. Izaho fotsiny... Ny fanomezam-pahasoavana iray dia ny manolotra ny tenanareo fotsiny, tahaka ny mampiditra ny tenanareo ao amin'ny fitaovana fotsiny. Tahaka an'ity fanamafisam-peo ity fotsiny, alefaso izy, tsy maintsy misy zavatra miteny amin'ny alàlany. Fitaovana kely iray alefako fotsiny ilay izy, zavatra kely iray. Ny Fanahy Masina! Tsy izaho no mandefa azy; Izy no mandefa azy. Ary avy eo dia miteny Izy; tsy izaho ilay izy.

Ankehitriny dia aoka hanaja sy hino, ny tsirairay avy aminareo, ka mivavaha fotsiny.

¹⁹² Ankehitriny, ny tsirairay avy dia mahafantatra fa ny Baiboly dia nilaza hoe “Jesosy Kristy izao ankehitriny izao no Mpisoronabe izay azo kasihan’ny fahatsapan’ny fahalementsika.” Raha marina izany, dia aoka ny fiangonana hanao hoe, “Amena.” [Hoy ny fiangonana hoe “Amena!”—Mpand.] Ilay Mpisoronabe iray ihany ve Izzy? Manaova hoe, “Amena.” [“Amena!”] Raha Izzy no ilay Mpisoronabe iray ihany, dia tahaka an’izany ihany no Hihetsehany. Marina ve izany? [“Amena!”] Amen. Ankehitriny dia inona no hataonareo?

¹⁹³ Ankehitriny, ny mikasika ahy, tsy hanao fahasamihafana mihitsy izany; lehilahy iray aho. Fa kasiho Izzy, amin’izay fotoana izay dia Izzy no Fanahy Masina izay *ato*, avy eo dia mamaly Izzy ary mampiasa molotr’olombelona. Satria, Izzy no Voaloboka, isika no sampana; tsy Izzy no mitondra voa, manome hery an’ilay sampana fotsiny Izzy.

¹⁹⁴ Izao dia, manodina ny lamosiko fotsiny, mba ahafahanareo hahita an’ireo zavatra izay nolazaiko.

¹⁹⁵ Ankehitriny, ireto mpitoriteny eto ambonin’ny lampihazo ireto, mivavaka izy ireo. Afaka mijery ahy ianareo raha tianareo. Mety tsara izany. Mijery fotsiny, dia mety mahafantatra ianareo fa izy ireo fotsiny dia... Satria, ianareo no mpiandry ondry, dia ianareo no anankiray izay miandry an’ireto ondry ireto. Noho izany, mba hahafantaranareo fotsiny. Ary tiako ianareo hivavaka ho ahy, rahalahy. Satria, hitanareo ve izay tiako lazaina? Misolo tena an’ilay tena Kristy izay tomponiareo mihitsy aho. Ary rahalahinareo aho, sakaiza teratanin’ny Fanjakana, miaraka aminareo rahalahy. Ary eto fotsiny aho... .

¹⁹⁶ Hitanareo, ankehitriny, izao ankehitriny izao ny Teny izay notoriako, hitanareo, tandindomin-doza Izany. Izao ankehitriny izao, ny tsi-fahombiazana, izany no tian’i Satana ho hita. Izay ihany no tadiaviny. Fa tsy misy tsi-fahombiazana amin’Andriamanitra. Aoka hanaja fotsiny.

¹⁹⁷ Ankehitriny miaraka amin’ny lamosiko mitodika, dia tiako ny olona iray... Mamelà ahy hanatodika an’izany, manodidina tanteraka ilay izy. Mamelà ahy hitodika amin’ity faritra ity, aloha, ary avy eo dia ho tonga eo amin’ilay faritra hafa aho. Ankehitriny olona iray ato aoriana ato; misy be loatra, toy ny hoe, mivavaka. Ato aoriana ato, misy olona mivavaka ato aoriana ato ankehitriny, izay te-hino an’Andriamanitra. Minoa amin’ny fonareo rehetra fotsiny, ato aoriana ato any ho any.

¹⁹⁸ Ankehitriny, Ray any An-danitra, izaho—mankasitraka Anao aho ao amin’ireo Hafatrao rehetra, ny zavatra rehetra izay Nataonao. Ampio aho ankehitriny, Tompo. Izaho dia—izaho dia... amin’ny finoana, mino Anao aho, Ny Teninao. Mino aho

fa Izany dia Ny Fanahinao izay niantso ahy hanao an'izao. Ankehitriny dia aoka ho fantatra fa niteny ny Fahamarinana aho. Nanambara ny Aminao aho, ambarao ankehitriny, Tompo, fa niteny ny Fahamarinana aho. Mangataka an'izany amin'ny Anaran'i Jesosy aho. Amena.

[Miteny amin'ny fiteny tsy fantatra ny anabavy iray—Mpand.]

¹⁹⁹ Andriamanitra Ray, miandry ny fandikana an'izany izahay. Ianao no nilaza, ao amin'ny Baiboly, fa hisy "telo mifanesy," ary izany ilay anankiray fahatelo. Ankehitriny izahay—mivavaka izahay mba—mba Hampahafantaranao an'izany amin'ny olona iray izay manana an'ireo fanomezam-pahasooavan'ny fandikana ireo. Mametraka an'izany Aminao aho, amin'ny Anaran'i Kristy.

[Manome faminaniana iray ny rahalahy iray—Mpand.] Misaotra Anao, Tompo.

²⁰⁰ Ankehitriny, faminaniana iray izany, fa tsy fandikana. Hitanareo, nilaza betsaka noho ilay vehivavy izy. Misy fandikana iray izay mivoaka. Hitanareo, mpaminany iray io lehilahy io.

²⁰¹ [Mandika ny rahalahy iray—Mpand.] Amena. Misaotra Anao, Tompo.

Taoriako avy hatrany . . .

²⁰² [Mivavaka ny anabavy iray—Mpand.] Andriamanitra, ekeo ho an'ilay vehivavy ny fitahiana, izay antsointsoiny. Manana fotsiny . . .

²⁰³ Ankehitriny aoka ho tena manaja mihitsy ankehitriny, ka minoa an'izany amin'ny fonareo rehetra. Ankehitriny, amin'ny alàlan'ny Fanahy Masina, dia miezaka haneho ny Teny izay notoriako aho, izay Nanambarany fa hitranga. Ankehitriny dia minoa amin'ny fonareo rehetra.

²⁰⁴ Misy olona iray mijoro eto anoloako, izay mipetraka aoriako. Ary vehivavy iray izany. Ary mijaly amin'ny aretim-po izy. Ary tratry ny alerzia izy izay manelingelina azy. Aoriako mihitsy izy. Raha mbola tsy mitsangana ilay vehivavy . . . Mijery ny mpanatrika; manakimpy ny masoko aho. Manahy mikasika malala iray ihany koa izy, izany dia, ny vadiny izay mipetraka eo anilany mihitsy; malemy izy, manana tehina iray izy. Ny anaran'ilay vehivavy dia Rtoa. Brumley. Minoa amin'ny fonao rehetra. Mitsangàna ka ekeo izay nivavahanao, dia hahazo an'izay nangatahanao ianao. Mitsangàna. Mitsangana ve izy? [Hoy ny fiangonana hoe, "Eny."—Mpand.]

²⁰⁵ Andriamanitra hitahy anao. Tsy fantatro ilay vehivavy, tsy mbola nahita azy mihitsy teo amin'ny fiainako. Samy vahiny izahay. Misy . . . Ankehitriny dia anontantio izy ireo, mandehana ka anontantio izy ireo raha marina izany. Ankehitriny raha tsy

izany no ilay Andriamanitra iray ihany izay tany teo anatrehan'i Sodoma mihitsy, dia tsy fantatro hoe inona ilay izy.

²⁰⁶ Misy olon-kafa iray ato amin'ity faritra ity izay mino ankehitriny amin'ny fonao rehetra. Tompo Jesosy. Misy vehivavy iray mipetraka aoriako. Manana faniriana lalina iray izy. Mivavaka izy mba hanomezan'Andriamanitra zavatra azy. Zazakely iray izany, izay ivavahany. Aoriako eto mihitsy izy. Rto. Holm, mitsangàna ianao ka minoa ny Tompo Andriamanitra. Ary raha hino an'izany amin'ny fonao rehetra ianao, dia afaka mahazo an'ilay zazakely izay ivavahanao.

²⁰⁷ Tonga ny vehivavy iray, ary mandringa izy. Mipetraka ao anatin'ny sezä misy kodiarana iray izy. Aoriako izy. Tsy avy amin'ity ampahan'ny faritra ity izy. Izy dia avy—avy any Sacramento izy, Sacramento avaratra. Tena marary izy. Tsy afaka manampy azy ireo dokotera. Efa tany amin'ny hopitaly iray izy. Efa nahazo fandidiana maro izy. Tratry ny aretin'ny voa izy, aretina ao amin'ny taolany. Mikorontan-tsaina izy, hany ka tratry ny fahasarotana. Tena marary izy. Rto. Beeler, eo, atsangano ny tànanao ka minoa fa ny Tompo Jesosy... ary aoka ho salama... Andriamanitra hitahy anao.

²⁰⁸ Mino ve ianareo? Mbola velona sy manjaka foana Andriamanitra. Raha mino an'izany amin'ny fonareo rehetra ianareo!

²⁰⁹ Indro misy vehivavy kely iray, mijery azy mipetraka eto aho. Mijaly amin'ny aretin'ny taolan-damosina izy. Ny anarany, tsy fantattro izy. Fa mino ve ianao fa Andriamanitra dia afaka miteny amiko hoe iza ianao, ramatoa? Rto. Berglund. Minoa amin'ny fonao rehetra, dia afaka ho salama ianao. Minoa.

²¹⁰ Indro misy ramatoa iray mipetraka eto mihitsy, mivavaka ho an'ny sakaiza iray izay vao avy tratry ny loza. Minoa amin'ny fonao rehetra, dia afaka mahazo an'izay nangatahanao ianao.

²¹¹ Misy ramatoa iray mipetraka eto mijaly amin'ny aretin'an-doha. Mino amin'ny fonao rehetra ve ianao? Afaka ho salama ianao. Aza misalasala an'izany. Minoa fotsiny. Raha tsy Izy no ilay Andriamanitra tsy miova, dia tsy fantattro hoe iza Izy. Eto Izy mba—mba, raha hanaiky an'izany sy hino an'izany ianao.

²¹² [Miteny amin'ny fiteny tsy fantatra ny anabavy iray, mandika ny rahalahy iray—Mpand.] Amena. Deraina ny Tompo.

²¹³ Tsy afaka mahafantatra ve ianareo fa ao amin'ny Fanatrehan'Andriamanitra ianareo? Mahafantatra an'izany ianareo. Ankehitriny dia heveriko fa tokony hahafantatra isika izao ankehitriny izao, rehefa avy niteny ny Fanahy hoe, "Mankanesa aty Amiko, minoa Ahy, ry Oloko," heveriko fa tokony hanao antso eny amin'ny alitara iray isika izao ankehitriny izao, ka hamela an'ireo izay tsy mahafantatra an'i Kristy hanatona manodidina ny alitara eto ary hanaiky Azy ho Mpamponjinareo. Raha tsy nandray ny Fanahy Masina ianareo,

dia tongava, ihany koa, mba handray ny Fanahy Masina, satria izany mihitsy no hitranga. Tsy ho avy ve ianareo ankehitriny raha mahazo feon-kira iray isika; hisy olona iray hitarika ny fihirana. Efa niteny ny Fanahy Masina. Andriamanitra hitahy anao, ranabavy. Marina izany. Misy olon-kafa manatona mihitsy miaraka amin'ilay ramatoa eto. Manatôna avy hatrany ianareo raha manana an'izany . . . Andriamanitra hitahy anao, ranabavy. Ao amin'ny Fanatrehana, izay misy ny Baiboly, ny Teny, ny fanamarinana, ireo fanomezam-pahasoavana, ny zavatra rehetra miasa, tsy mahafinaritra ve izany izao ankehitriny izao? Manatôna avy hatrany eto amin'ny alitara. Midîna avy eny ambony rihana. Ianareo izay tsy manana an'Andriamanitra, tsy mbolanofenoina ny Fanahy, tongava ankehitriny raha mihira isika.

Mandalo amin'ity lâlana ity Jesosy,
 Ity lâlana ity, androany;
 Mandalo amin'ity lâlana ity Jesosy,
 Mandalo amin'ity lâlana ity Izy androany.
 Mandalo amin'ity lâlana ity Jesosy,

Tsy ho avy ve ianareo raha mandalo Izy, mihetsika Ny Fanahiny, manao hoe, "Avia"?

. . . androany;
 Mandalo amin'ity lâlana ity Jesosy,
 Mandalo amin'ity lâlana ity Izy androany.

²¹⁴ Tsy ho avy ve ianareo raha mandalo Izy? Jereo izay Ataony eo anivonareo, maneho fa Izy no tsy miovava. Mivoaha avy hatrany, ny fanahy rehetra izay tsy mahafantatra Azy, tsy nateraka indray. Tsy ho avy ve ianareo hitady Azy ankehitriny? Tsarovy, mahafantatra anareo ilay Fanahy Masina iray ihany.

. . . lâlana androany.
 Mandalo amin'ity lâlana ity Jesosy,
 Ity lâlana ity, androany;
 Oh, mandalo amin'ity lâlana ity Jesosy,
 Mandalo amin'ity lâlana ity Izy androany.

²¹⁵ Ankehitriny aoka ho avy ny fanahy tsirairay izay tsy mahafantatra an'Andriamanitra ankehitriny, izay tsy mahazo antoka ny amin'ny toeranareo. Midîna. Aza—aza ho . . . Aza manana fiheverana ara-tsaina ny amin'izany, rahalahy, ranabavy. Aza manao an'izany. Mety efa nanana karazana fahatsapana rehetra ianareo. Mety efa nanana râ ianareo teny an-tânareo, teo amin'ny tavanareo, mety efa nanana fangovitana ianareo, sy ny sisa. Tsy misy na inona na inona manohitra an'izany, ankehitriny, mety tsara izany. Mety efa niteny tamin'ny fiteny tsy fantatra ianareo, mety efa nandihy tao amin'ny Fanahy ianareo, fa mbola very foana. Marina izany. Ilay izy dia tsy maintsy Fiainana iray izay teraka tao anatinareo, izay mandray ny Teny ka manao Azy ho velona vaovao indray.

Hitanareo, Kristy no Teny. Ary raha tsy mbola manana finoana hiditra ao anatin'io Teny io ianareo ka hino an'Izany, dia tsy ho avy ve ianareo ankehitriny.

²¹⁶ Amin'ny maha-Fianganan'Andriamanitra, satria manomboka mamiratra ny Hazavan'ny hariva, ary ilay—masaka ilay hazo; Andriamanitra no nilaza fa Izy no hamerina an'io hazo io, io hazo pentekotista iray ihany io, ilay karazana Finoana iray ihany, ny zavatra rehetra iray ihany izay nananan'izy ireo, haverina indray io hazo io; tsy misy anaram-piangonana, tsy misy na inona na inona, ho tonga ao amin'ny hery tsotra an'ny Fanahy Masina izany, mampianatra ny Baiboly tahaka ny Nanaovany azy marina tokoa fotsiny. Nampanantenaina anankiray isika amin'ny andro farany, fantatrareo, ho tonga sy hamerina an'izany Finoana izany. Noho izany dia mino aho fa eto Izy izao hariva izao, amin'ny endrika Fanahy Masina. Tongava ankehitriny, raha mihira isika ankehitriny, mba hananantsika antoka fa efa nataontsika ilay izy.

²¹⁷ Tsarovy ankehitriny, raha ireto fanahy... Ianareo vahoaka Pentekotista dia mino marina tokoa ny fanomezam-pahasoavanareo amin'ny fiteny tsy fantatra sy fandikana! Fa raha tsy afaka hino an'izay efa Nataony teto ianareo, amin'izay fotoana izay dia minoa ny fiteny tsy fantatra sy fandikanareo, izay miantsa anareo hankeo amin'ny alitara. Aoka ho tonga ny olona rehetra. Raha mahita an'itsy miasa ianareo, ity miasa, Andriamanitra miasa, nahoana, Andriamanitra izany! Ahoana koa, indro ny Teny eto manamarina an'Izany, milaza fa Izany no Fahamarinana. Avia. Indray mandeha indray ankehitriny, ka avia ankehitriny.

Mandalo amin'ity lâlana ity Jesosy,
Androany, androany;
Mandalo amin'ity lâlana ity Jesosy,
Mandalo amin'ity lâlana ity Izy androany.

²¹⁸ Ankehitriny aoka ireo izay mino an'Andriamanitra, ireo mpitoriteny tena masina sy—sy mpanompon'i Kristy, ho tonga, handroso, raha mihira indray isika ankehitriny. Mandrosoa manakaiky ny alitara, manodidina an'ireto eto ireto. Ary ndao isika hivavaka miaraka amin'izy ireo, miaraka. Avia. Tsy ho avy eto ve ianareo? Tsy afaka mahatakatra azy ireo aho, ny tsirairay avy, amin'ny tànako. Tiako ianareo ho avy. Ny sasany aminareo rahalahy mpitoriteny midina eo anivon'izy ireo eo ankehitriny, mba ahafahanareo mikasika azy ireo ka hametraka ny tànanareo eo amin'izy ireo. Eny àry. Ianareo izay mahafantatra an'Andriamanitra, avia, manatôna manodidina eto, ny sasany aminareo vehivavy miaraka amin'ireto vehivavy ireto, ianareo lehilahy miaraka amin'ireto lehilahy ireto. Manatôna eto ankehitriny. Izao no—no baikon'Andriamanitra. Manatôna ankehitriny, ianareo olona. Izay, izay ilay izy, izao no fotoana. Ny sasany aminareo reny masina sy ny sasany aminareo

rahalahy masina, manatòna manodidina eto ankehitriny mba ahafahanareo mametraka ny tànanareo eo amin'izy ireo, ho fanamarinana, mametraka ny tànanareo eo amin'izy ireo mba handraisan'izy ireo ny Fanahy Masina. Eny àry. Ankehitriny, izay ilay izy. Izay ilay izy.

²¹⁹ Ankehitriny, nahoana ianareo no tonga? Satria mino ianareo. Resy lahatra ianareo fa eo afovoantsika Andriamanitra. Eto Izy izao hariva izao. Eto Izy miasa amin'ireo famantarana sy fahagagana lehibe.

²²⁰ Manatòna akaiky avy hatrany, ny olona rehetra. Manatòna avy hatrany mba ahafahan'ny olona hanana efitra betsaka. Manatòna akaiky avy hatrany. Misy betsaka tonga eo amin'ny lâlantsara, hitanareo. Manatòna akaiky fotsiny.

²²¹ Firy ato amin'ny mpanatrika no manahy ny amin'ireto olona mitsangana eto ireto ankehitriny, ny amin'ny famonjena ny fanahin'izy ireo? Atsangano ny tànanareo. Eny àry. Ndao isika rehetra miaraka ankehitriny, hanangana ny tànantsika amin'Andriamanitra, ka hangataka vavaka.

²²² Ry Rainay any An-danitra, mitondra Aminao an'ity mpanatrika ity izahay izao hariva izao, miaraka amin'ny Fanahy Masina eto afovoanay, manatrika ankehitriny, manao Ny Teniny ho velona vaovao indray. Fenoy ny fo tsirairay, Tompo. Tongava amin'ny herin'ny Fanahy. Ekeo izany, Tompo. Roahy ny tahotra rehetra, ny devoly rehetra. Tongava amin'ny alàlan'ny herin'Andriamanitra, ka raiso ireto fanahy ireto. Amin'ny Anaran'i Jesosy Kristy, no ametrahako azy ireo Aminao ho an'ny Voninahitrapo.



JEHOVAH-JIRE ² MAG62-0706

(Jehovah-Jireh ²)

ANDIAN'NY JEHOVAH-JIRE

Ity Hafatr'i Rahalahy William Marrion Branham ity, izay notoriana tamin'ny Teny Anglisy ny Zoma hariva, 6 Jolay, 1962, tao amin'ny Municipal Auditorium ao Grass Valley, California, U.S.A., dia nalaina avy tamin'ny horonam-peo ary natonta manontolo amin'ny Teny Anglisy. Ity fandikana amin'ny Teny Malagasy ity dia natonta sy nozarain'ny Voice Of God Recordings.

MALAGASY

©2023 VGR, ALL RIGHTS RESERVED

VOICE OF GOD RECORDINGS

P.O. Box 950, JEFFERSONVILLE, INDIANA 47131 U.S.A.

www.branham.org

Filazana fahefan'ny tompon'ny boky

Tsy azo adika. Ity boky ity dia azo atao printy amin'ny fanaovam-printy ao an-trano ho an'ny fampiasana manokana na ho zaraina, tsy misy sarany, ho fitaovana iray hanaparitahana ny Filazantsaran'i Jesosy Kristy. Ity boky ity dia tsy azo amidy, na adika indray amin'ny refy lehibe, na alefa amin'ny siteweb iray, na tehirizina amin'ny fomba nisy nanesorana, na adika amin'ny fiteny hafa, na ampiasaina ho fangataham-bola raha tsy misy alàlana voasoratra mazava avy amin'ny Voice Of God Recordings®.

Ho an'ny fanazavana fanampiny na ho an'ny fitaovana hafa efa azo raisina, dia iangaviana hifandray amin'ny:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org